

甘宁青史略

甘肅青史略卷十一

宋哲宗紹聖

丁丑四年 遼壽隆三年夏 天祐民安七年

春三月西上關門副使苗履

公事

知渭州章彙築城於好水河之陰夏人出兵爭之大敗城成名

石門峽

蓋河川據形勝以逼夏帝許之乃以三月及熙河秦鳳環慶四路之師
十所自示其怯或以資怯請曰此夏人必爭之地夏方營石門峽去我三十里
之乎深又陽謝之陰具版築守戰之備帥四路之師出劫蘆河川築二城於石門峽江口
好水河之陰夏人聞之帥衆來爭彙令姚雄部熙河兵策應與夏人鬪流矢注肩戰案
屬夏師引卻道賊大破之斬首三千級俘獲數萬先五日折可適敗於沒煙峽土氣方沮
雄賈勇得雋諸道始得併力二旬有二日城成賜名平夏既而環慶慮延河東熙河皆相
繼築城進拓其境夏人聘說不敢動宰相章惇因請絕夏人歲
賜而命沿邊諸路相繼築城守要害以進拓境土凡五十餘所

案水經註石門水導源高平縣石門峽江口在固原州北今海源縣東北一百一十里即
印字山之中障凡固原以北各水均至峽口匯為一流入清水河宋時鑿峽口以通流或
謂峽即隴山北陲故謂之石門口其地上穿石壁下臨河流丸泥塞之東道不通天險也
餘見此卷後崇寧三年冬十月夏人圍平夏城注好水河即好水川見第八卷慶歷元年

春二月元昊

犯渭州注

于闐黑汗王攻夏甘沙肅三州

于闐夙與西夏最睦後有隙元祐八年春二月上表請討夏國帝不許至是黑汗王遣其子以聞詔厚答其意

夏四月夏人爭靈平會敗走

知渭州章察以夏兵猖獗議守涇原之靈平會命鍾傅與部將苗履統衆城之梁氏遣兵力爭傅將步騎二萬出不

意造河梁濟師作金城關扼其險要夏兵遂敗

案通鑑長編是月甲午涇原路經略司言同統制折可適申有西賊一千餘騎與伏雲路

募化人馬鬥敵即時將帶前軍救應追捉到沒煙峽接戰至午時退續據苗履言差熙河

馬軍照應折可適等行七八十里遇西賊接戰間伏兵起隔斷擁入溝澗除漢蕃兵外有

同總領岷州蕃兵供備庫副使張德等未知存亡詔折可適令涇原路經略司疾速取勦

仍先具的實傷折亡失人馬數目又是日西賊十餘萬衆寇涇原所築新城王文振馬仲良等擊之

四月壬寅環慶鈐轄張存入夏鹽州

存率兵入夏界全三角川遣銳卒攻破鹽州俘戮甚衆及還夏人追襲之存上高原平少憩夏

兵縱火四面攻擊殺蕃官承制趙宗銳等復取鹽州

六月熙河路築城青石峽成名西平

夏人以我軍置壁壘於要地遣使入告於遼

案隋志允吾縣有青巖山方輿紀要謂在蘭州西北今考皋蘭縣西北黃河兩岸為隋允吾縣地青石山北臨河濱臨即此山又晉書載乞伏乾歸為呂光弟寶所攻敗於鳴雀峽退屯青岸寶進師濟河敗死鳴雀峽青岸皆在河南應為青石峽及青石

秋八月築威戎城

威戎城在蘭州南四十里金升為縣後廢今為鎮

熙河將王愬取西夏宥州

兵討擊愬率兵抵宥州夏洪宥韋三州都統軍賀浪囉率眾

赴援愬擊敗之追奔二十里遂入宥州焚官署倉獄行宮并文籍簿書

募壽祺曰地方之有倉庫皆民膏民脂所積而成我機之後來者必復修之糧不足仍取於民間器所需仍購以公款古有封府庫倉廩以貽敵人者矣王愬所為與北涼酒泉太守沮渠宜得等雖勇奚足貴哉

夏人謀犯涇原詔經略司準備應敵

是月己酉樞密院言西賊點集人馬往涇原作過竊慮西賊暗蓄姦謀掩我不備長驅入近裏

於隆德靜邊治平塞以來人煙繁富地分或閑慢城寨備禦不至之處劫掠攻打詔涇原路經略司詳上項事理多方預行講議措置若遇緩急賊馬奔衝深入近裏合差是何將佐如何移那兵馬於是何要害地分控扼得賊馬來路準備禦禦不使近裏城寨及人民繁富地分為所抄略攻打落賊姦便仍不時與大兵首尾照應會兵掩殺賊眾必取全勝

先具已如何講議措置選充統領兵將官職位姓名及將帶若干人馬於某處駐劄以應干準備應敵方略施行次第聞奏

九月遣官妹納僧哥

一作穆納僧格內附妹納僧哥為西夏帶牌天使聞中國救榜招輸遂來奔授禮賓副使充蘭州部落子巡檢

冬十一月熙秦軍破白草原抵天都山無所得而回

中國屢行討蕩夏國天都山屬蕃盡將牛羊窖粟預行遠

徙時熙秦兩路兵四萬馬萬匹將至到子山夏監軍司以十萬騎陣白草原拒戰不勝拔營西走兩路軍直入天都監軍司所搜挖無所得軍士糧竭飢死者半乃回

戊元符元年

遼壽隆四年夏天佑民安八年

春二月知蘭州王舜臣築興平城

旋討夏人於塞外

夏人犯大定城

大定屬蘭州與夏國分界處梁氏兵屯界上肆行抄掠聞蘭州知州王舜臣兵出金城關乃退還舜臣追至右廂監軍司地夏兵返戰不克帶牌天

使數名皆死

三月築熙河通會關

是月辛亥樞密院言涇原經略司奏涉旨差發將兵進築城寨探得西界點集在近邊盤泊慮搗虛深入作過已選將分布照管邊

面乞候師還照管得地分無虞許本司量功大小比類出塞進築官員使臣軍兵奏乞等第推恩從之

案靖遠縣志會甯關在縣西南一百二十里烏蘭山上舊名顯耳關宋元符九年建初名通會後改會甯金大定八年改名會安今稱烏蘭關烏蘭山名南接空同東連屈吳唐置

烏蘭縣

於此

邊將郭成擊破夏人於漫噶隘

至城下有夏將乘白馬馳突陣前大將劉昌祚曰誰能取此者成躍馬梟其首以去

夏四月涇原官軍襲夏

涇原兵三次襲夏羊馬被掠萬衆至是統制官孫文將九千騎出沒煙峽直抵屯兵所斬級獲孳畜而退

西夏大首領嵬名藥默內附

藥默乾順族領會州一帶蕃部是時由熙河路內歸中國令補西頭供俸官兼本族巡檢

蕃部鳴強山訛心一作惡森入降

二人乃監軍妹勒都通親隨由涇原入降俱授左班殿直強山言夏國欲以今秋併兵寇一路不攻城若但覓便深

入殺掠人戶經略司以聞沿邊人戶因官軍連次討擊並於大沙堆建柵聚族自保時慶延路以順甯之圖遣鈐轄苗履統諸將出塞攻夏州梁氏恐官兵焚蕩大沙堆蕃族遺嵬

名乞勒那哆唆丁駐兵南面防護前履擢衆奮擊乞勒等大敗喪失萬計退走五十里

六月丙戌遣官分詣鄜延涇原河東熙河按驗所築城砦

夏遣使來援於遼

秋七月夏人以兵入涇原

夏國母梁氏以中國築沒煙前後兩峽控扼天都形勢於是編攔人馬出沒隆德砦九羊谷又於煙溝段大道掘壕作壘

縱游騎侵殺邊鋪戍卒守將折可適同蕃官慕化率兵伺懈出擊方止未幾又掠熙河平西皆擄熟戶二十餘

欲進築天部取與靈不果行

涇原既築汲煙前後峽城若去天都咫尺章惇欲乘勢進築舉與靈知渭州章惇以為未可曾布因對三省為帝言

邊事累年未了今涇原已逼天都勢不可已然今秋見西人舉動即可以知其強弱若果困敵有可以滅亡之理亦須年歲間保為殄滅之計若西人未有殄滅之勢年歲間可未殄滅亦須隨宜收斂休兵息民以圖安靜今諸路進築城寨所據羌人墾土已多其勢固已窮蹙若容其納款必無不向順若分據疆界在我則西人亦不敢不聽要之動息皆須在年歲間了當則可若一向貪嗜不已恐所憂不在西戎也

八月內子朔熙河蘭湟路復為熙河蘭會路

九月詔備涇原

涇原路落蕃兵士歸報夏人點集百五十萬欲入漢界十程打劫諸路降羌及俘虜皆言羌人大點集決趨涇原詔章惇多方措置備禦以資遣

曾布言敏不來則已來必隨吾策中布亦謂經營已久宜其無所不備也

冬十月夏主乾順與其母梁氏自將攻平夏城邊將郭成察御之

渭州之地數百里而平夏處其

中平夏在鎮戎軍石門峽好水河之陰舊名石門城後升為懷德軍鎮戎所轄城若多在固原縣境此其一也初涇原經略使章惇謂諸將曰新邊控扼誰可付者皆曰非郭成不可遂辟成為第十一將以戊平夏西人自失地之後朝夕憤恚常曰唱歌作樂田地盡被漢家占卻又云奪我飯碗至是以兵號三十萬犯塞圍主與其母自將攻平夏城自已

卯至壬辰晝夜疾攻成等城守益堅夏人乃造高車以臨城載數百人填壕而進俄有大風震析夏人一夕遁去夏主毋慚傾鴈面而還是月庚子詔陝西河東勿以西賊遁去便弛邊備須過為捍禦緩急調誤重行典憲

十二月章察遣其將郭成折可適擒西夏統軍冤名阿埋監軍妹勒都適

二
人
皆勇

悍善戰屢為邊患帝密詔圖之察知其虛可襲會二酋以放牧為名窺伺境上適可適等間以輕騎二千銜枚捷走出盪羌六道分進敵不及知夜入其室執之盡得其家屬俘賊三千餘人獲牛羊不啻一萬種羌震懼請其理即天都山也可適因請以秋葦川為砦南牟為州詔名砦曰臨羌州曰西安而以可適知州事曾布曰帝此非常之功可賀帝曰可賀否布曰鬼章亦賀及告陵廟此功不在鬼章下等皆曰此奇功也捷至帝御紫宸殿受百官賀察在涇原四年凡創州一城砦九薦拔溫綽不問厥役至於夏降人折可適李忠傑朱智用咸受其馭自平夏之敗西夏不復能軍邊功遂為西方最

案郭成今靜甯縣中安堡人也姿貌體健襟度坦然撫養孤寡疎財好施名振西土初應募為弓箭手累級補都指揮使從征河州皓白城元豐中隨五路兵趨靈武有功平夏之被圍也成隨機應變已而援兵大集升統制成乃與折可適議曰賊新敗若乘勢深入可以大獲帥以萬騎付之分道而進即帳中擒其大酋冤名阿埋妹勒都適以功遷引進使雄州防禦使涇原路鈐轄轉客省使卒年五十六子浩今會甯有郭成驛始其駐兵處也

慕壽祺曰自古未有內無與而大將能成功於外者章察平夏之捷智勇實兼全矣然非章惇與之同宗平時言多見宋恐摧敵未必如此其易也後數十年而岳忠武起其才十倍章察朱仙之捷方欲垂手以取燕雲而權臣掣肘於內收拾河山其可得乎

夏人潛師入涇原犯乾輿天聖等砦

梁氏既解平夏圍人馬仍在涇原近邊盤泊見官軍盡屯葫蘆河知聲勢不相應潛遣精銳入

鎮戎軍掩至二砦焚掠甫二日聞授軍至走回天大雪人馬僵凍過半

乙卯二年遼壽隆五年春正月熙河蘭會路經略使孫路請修蘭州西略羅川口古

浮橋及橋北一城詔體遠邊情斟酌勢力保明以聞

詔以青唐為鄯州隴右節度邈川為湟州進王厚為上閣門副使統兵知湟州

案厚字處道前熙河官撫使王韶子也少從父兵間暢曉番情留心邊事官累通直郎曾宗元祐中與河湟厚上疏陳不可上不聽紹聖中會羌酋瞎征等國王瞻與厚同獻議復故地元符元年六月師出塞七月下邈川降瞎征九月次青唐隨摺出迎遂定湟郡詔賜龍抄姓名趙懷德進厚東上閣門副使知湟州舊為碾伯縣今改樂都宋岷麻囉所

居之
源川

詔體遠邊情斟酌
勢力保明以聞
進王厚為上閣門
副使統兵知湟州
案厚字處道前熙河
官撫使王韶子也少
從父兵間暢曉番情
留心邊事官累通直
郎曾宗元祐中與河
湟厚上疏陳不可上
不聽紹聖中會羌酋
瞎征等國王瞻與厚
同獻議復故地元符
元年六月師出塞七
月下邈川降瞎征九
月次青唐隨摺出迎
遂定湟郡詔賜龍抄
姓名趙懷德進厚東
上閣門副使知湟州
舊為碾伯縣今改樂
都宋岷麻囉所

二月築環慶路定邊城

夏五月建西安州及天都等砦

蘭州本漢金城郡地為極邊恃河為固每歲河冰合必嚴兵以備蘭州錄事參軍張叔夜曰此非計也不求要

地守之而使敵迫河則吾既始矣有地曰天都者介於五路之閒乃夏人積聚之區凡欲聚兵以犯諸路則必就彼點集然後議其所向以故每一案兵則五路不得安枕此當今之所宜先書再上樞密行其策果得其地乃建為西安州自是夏人不敢窺蘭州

西夏鹽會正鈐轄革瓦孃

長編作格幹雷以部落內附授官賜銀

六月築定邊白豹城

案慶陽府安化縣志定邊城在縣北二十里宋元符二年築後改為軍城和六年置定邊縣為倚郭金為恭屬環州皇統六年金主以賜夏人明時有官軍及巡檢司皆觀白豹城舊屬西夏界在大順城北四十五里與定邊城相近

秋七月知環州种朴獲夏國監軍訛勃囉

朴檄赤羊川獲賞羅訛乞家百五十餘口孳畜五千夏人千餘騎往追朴戰卻之擒

監軍訛勃囉及首領淚丁訛遇朴送訛乞等家屬至京帝存恤之旋遣人持其家屬信號來招訛乞三人

陝西安撫使王瞻取吐蕃遼川青唐降其酋轄戩

初額爾古死子轄戩嗣性嗜殺部曲睽貳大會星摩沁占之屬

有異志忌轄戩季父蘇南黨征雄勇多智共誣其謀亂轄戩不能察殺之盡誅其黨獨沁魯克節逃奔希卜溫奉其長子表怎據溪哥城轄戩攻殺表怎沁魯克節奔河州說知州王瞻以取青唐之策瞻言於朝章惇許之至是瞻引兵趨遼川守者以城降瞻留兵屯之轄戩自知其下多叛乃脫身自青唐降於瞻詔胡宗回帥熙河以節制之於是遂城會州未幾星摩沁占迎希卜溫入青唐立木征之子隆咱爾為主其勢復張宗回督瞻進師瞻急攻隆咱爾及星摩沁占等皆出降遂入據其城突已轄征降已未青唐酋隨擄亦以城降詔以青唐為鄯州遼川為湟州

八月取夏會州

元豐中雖加蘭會與熙河為一路而會州實未復至是始取會州城之以西安城北六砦隸焉

熙河軍入夏界殺其首領仁多洗忠

洗忠仁多保忠弟熙河遺硬探人入界洗忠挺身鬪被殺夏衆出援奪其尸而回

夏遣兵攻南宗堡邊將擊退之

是年七月間夏人毀我驛延新修堡子至是又圍南宗初西蕃阿里骨死其子跄征殘暴嗜殺部曲離貳洗州

安撫使王瞻率兵取其地賻征衆潰遂自青唐入降大酋心牟欽與董既妻契丹公主阿里骨妻夏國公主迎董既疎族溪巴溫入青唐立其子攏撈為主假夏國公主書請援乾順遣兵五千餘人攻南宗堡王瞻以熙河蕃兵擊之乃退

閏九月夏統軍仁多保忠率兵助西蕃圍湟州不克

王瞻擊降隴拶以邈川為湟州青唐為鄯州二城距輿靈

止二百里南有講珠羅囉二城與湟州北阿訛城相接羌酋心牟欽氈羅結聚數千人圍湟州遣使數輩乞師於夏乾順使保忠及達摩等二監軍兵十萬助之先斷炳靈寺橋燒星章峽棧道四面急攻分兵破南宗堡據守將劉文珪驅至城濠謂總管王愍曰吾所欲城與地耳弟以城歸我當舍汝愍謂文珪曰為吾語夏人天子俾吾守城能殺我城可得也攻圍十六日愍守益堅保忠令於南城積薪數萬將焚門會諸將皆履賊履李忠傑各率所部赴援戰於青唐晚煙塵互天夏人不知多少惶遽渡湟水還鈴轄崑名曠遇被獲

熙河蘭會路經略使胡宗回修阿密阿特城

奏言臣近證聞得蘭州西關堡近西地名巴珍旺相近可以繫橋通路兼可於

宗河行船漕運直入邈川其宗河口東岸近北舊有邈川管轄阿密阿特城迺西蕃舊防守夏國該誅卓羅等城去處今城見全備略行修築安置樓櫓可以守禦從之阿密阿特

城在今舉蘭縣西北

冬十月詔保安軍隸宥州無得犯青唐界

是歲夏國衙頭首領鄂特丹卓勒瑪於蘭州喀羅城差蕃部尙第等賫送蕃字

欲歸漢 喀羅城以喀羅川名今舉蘭縣西北
張家河口即其地也一作斫龍城

案是年宋熙河蘭會經略使孫路言蘭州之西喀羅川口有古浮橋舊基自喀羅川北至
濟桑約三百里間有古城十餘所自濟桑以北則入甘涼諸郡即漢武帝斷匈奴右臂遺
蹟據此喀羅川口即莊浪河入黃河處今名張家河口循莊浪河而北至平番縣為赴甘
涼大道其地唐時屬廣武縣孫路所言古浮橋當即此梁渡黃河而南為新城之老古城
宋時為伽羅總堡一名札洛宗堡蓋亦因喀羅
川得名喀羅又作斫龍與伽羅訛洛皆音之轉

庚三年 遼壽隆六年 春正月西蕃以南宗堡附夏不受
夏永安二年 南宗北控夏國南接星章峽
西連宗哥城形勢天險自饒

羅結叛諸堡殘破及官軍出羌衆潰散諸城咸即歸順獨南宗負固不
下姚雄苗履屢攻不克羌人請附夏國乾順不受惟假兵數百戍之

三月吐番復叛詔棄鄯州界之 王陽留鄯州縱所部剽掠羌衆攜貳星摩等結諸族
謀反瞻擊破之瞻又諷諸羌酋籍勝兵者皆湮其臂

無應者沁魯克節請歸帥本路為倡瞻聽之去遂棄數千人圍遼川夏衆十萬助之城中
危甚苗履姚雄帥所部兵來援圍始解因棄青唐而還希卜溫與其子希卜薩羅桑據
之羣羌復合兵攻遼川王厚亦不能支朝議請並棄遼川且謂陰咄爾乃木征之子遂命
知鄯州賜姓名曰趙懷德其弟彭布鄂特丹幹曰懷義同知遼州加轄畿懷遠軍節度使
案宋史瞻留遼川縱所部剽劫羌衆攜貳星摩等結諸族帳謀反瞻擊破之悉捕斬城中
羌積尸如山初瞻又諷諸羌酋籍勝兵者皆湮其臂無應者沁羅克節請歸帥本路為倡

瞻聽之去遂嘯聚數千人圍遊川夏人十萬衆助之城危甚苗履姚雄帥所部兵來援
團始解贖因乘唐而還實巴克與其子希斯羅斯據之羣羌復合兵攻遊川王厚亦不
能支朝論請並乘游川已謂降贊乃碼爾戩子之遂命爲河西軍節度使知鄯州賜姓名
曰趙懷德其弟巴爾不勒鄂丹幹曰懷義爲廓州團練使知湟州所譯蕃酋姓名與通鑑
微有不同贖破叛羌後多悉捕斬城中羌積級如山二語讀又諷諸羌句上加一初字似
宋史較爲詳明附錄於後以備參攷至希斯羅斯他本作豁除羅徹巴爾不勒鄂丹幹他
本作那勝
勿丁瓦

案史哲宗名煦神宗子在位十五年改元三曰元祐曰詔聖曰元符以元符三年正月崩端王信即位太后權同聽政是爲徽宗

徽宗 辛巳建中靖國元年

遼壽隆七年 夏永安二年

是歲夏國始立國學

自元吳創建蕃學國中由蕃學進者皆州多至數百

人而漢學日壞士皆尙氣矜辭廉恥甘羅文網乾頤息之御史中丞薛元禮上言士人之
行莫大乎孝廉經國之謀莫重於儒學昔元魏開基周齊繼統無不尊行儒教崇尙詩書
蓋西北之遺風不可以立教化也景宗以神武建號製蕃字以爲程文立蕃學以造人士
緣時正需才故就其所長以收其用今承平日久而士不興行良由文教不明漢學不重
則民樂貪頑之習士無砥礪之心董子所謂不素養士而欲求賢譬猶不琢玉而求文采
也可得乎於是乾順命於蕃學外特建國學置教授弟子員三百立蕃賢務以廩食之

王 崇甯元年

遼天祐乾統二年 夏貞觀元年

春二月夏人與河西軍節度使趙懷德結婚

懷德即擴步中

國以羌人久亂王贍等不能定議乘鄰遣賜楊姓名曰趙懷德授河西軍節度使其弟邦祥勿丁曰懷義同知鄯州二州事乾順見西蕃恢復故土重申姻好以宗室女妻懷德

建設懷戎堡以通古會州

初邊將承朝曾築打繩川堡打繩川一名大麻川即今靖遠縣所屬之打拉池也時熙河帥姚雄駐兵會州應副錢糧運

使吳安憲統制官熙河節度劉成涇原番松秦鳳劉德西築水泉正川二堡通古會州三月初畢功易打繩名懷戎緣會州

秋八月夏人築沿邊堡營

西夏素少城砦乾順仿中國制於東北沿邊多樹砦棚鄜延路以聞朝議率兵牽制知秦州何常爭之兵不出

冬十月夏淚丁訛遇自環州還

初訛勃囉擒以信號與种朴令招其家人及其所部并諭訛遇降訛遇不可囚之土室中三年至是募守者得

脫還乾順嘉其不屈擢為監軍使使守赤羊川

癸未二年 遼乾統三年 春二月夏人建臥佛寺於甘州

乾順自母梁氏卒輒供佛為母祈禱甘州僧法淨於張掖縣西

南甘浚山下夜望有光掘之得古佛三皆臥像也獻於乾順乾順令建寺供之賜額臥佛

三月羌人圍鄯州河西軍節度使趙懷德請援於夏

羌人多羅巴奉喻賄高溪除羅激謀殺懷德以復國舉

數萬衆圍鄆州懷德遣使至夏區請兵乾順遣仁多保忠帥兵援之兵未至多羅巴三子皆善戰懷德力不支棄州奔河南

詔童貫監洮西軍

童貫開封人也始出李憲之門性巧媚自給事宮掖善測人主意元符末徽宗置局於錢塘且訪求古法書圖童貫之屬貫以內侍奉主之

蔡京方請居與之遊京有能書名自書屏障扇帶階貫以進逾年入為尚書左丞京德其輔已既相始開邊議收復青唐起王厚為經略使合諸道兵十萬用李憲故事命貫為監軍

慕壽祺曰自古用兵甘肅者必內有人焉而後可以或功王詔收復熱河王安石主之童貫入洮州陝西蔡京主之若毫無憑藉而欲開拓疆土難矣哉

詔知河州王厚權管句熙河蘭會路經略司職事

初哲宗末以厚知瀘州既而他種

州不可守乃以昇趙懷德而貶厚賀州別駕徽宗崇甯初蔡京開邊還厚前職

官軍再收復一公講米六城

先是洮西安撫使收復河南一公鎮守富標形撤東迎講米六城皆河州所屬尋棄之至是再收復

案循化城舊名一公城在河州西一百二十五里舊屬河州西至生羌界一百里金屬積石州元廢講米城在河州西南一百里本番族所置宋再收復金廢

夏四月議城南宗嘗

王厚與童貫及諸將議曰南宗嘗在洮州之北距夏國卓羅右廂監軍司百里而近夏人交構諸羌易生邊患今若城之可以控制夏人

岷州將高永年為統制官權知蘭州姚師閔佐之

並管句招納王端等率蘭岷通遠漢兵馬出京玉關收復通川堡將

官沈
言領

五月王厚童貫發熙州

初厚與貫會諸將部分軍事諸將皆欲并兵直趨湟中厚曰賊恃巴金把撈之險挾大河之阻分兵死守以抗我師若進戰未

克青唐諸部之兵繼至夏賊必為之援非小敵也不若分兵為二南過出安鄉衝其前北道出京玉搃其後賊腹背受敵勢不能支破之必矣貫猶未決厚曰他日身到其地計之熟矣願無過疑遂以岷州將高永年為統制官權知蘭州姚師閔佐之及管句招納王端等率蘭岷州通遠軍漢番兵馬二萬出京玉關厚與貫親領大軍出安鄉關渡大河上巴金嶺癸亥厚次蘭州甲子次安鄉關貫率李忠等以前軍趨巴金城舊名安川堡在巴金嶺上多羅巴使其三子長曰阿令結次曰厮繹麻令次曰阿蒙率眾拒守城據高埠四面皆天塹深不可測道路險狹我師至望見城門不閉偏將辛叔詹安永圍爭先入賊出兵迎擊師少卻永國墮天塹死叔詹馳還幾為所敗會兩各收軍而止復日乙丑賊以大衆背城而陳埽間建旗鳴鼓決戰復有疑兵據高埠張兩翼會厚以軍至賊望見氣沮厚乘高列大帥旗幟遣人諭以恩信開示禍福數返阿令結等不肯降語益不遜遂命諸將攻城賊力戰極險我軍不能過天塹厚親至陳前督強弩射之賊稍卻別遣偏將鄒勝率精騎由間道繞出其背賊大驚因鼓之諸軍四面奮擊殺阿令結厮繹麻令於陳阿蒙流矢中目貫腦遁去多羅巴率眾來援聞厚亦遁去日未中大破賊眾遂克其城遠近爭降附厚誅強悍首領數百人入城遣高永年引兵萬餘出京玉關丙寅厚進軍次瓦吹舊名

臨洮寨末年等進據隨移宗城阿蒙道遇其父多羅巴引衆來援告之曰兵大敗二兄皆死我亦重傷漢家已入巴金城矣父子相持慟哭恐追騎及借馳而去至亂當城所居附順者張心白族爲衆復見擒城奔屠然餘黨猶盛王厚慮其或搆我軍後丁卯大軍留臨洮厚與童貫李忠等將輕騎二千餘人趨臨當破不順部族焚其巢穴臨大河據險命忠等率衆守之厚即日還臨洮

戊辰進下關朱黑城城舊名安肅寨
案熙州卽今臨洮縣前之狄道州也京玉關本名把撈橋元符二年置在皋蘭縣之西當時京玉關地俱名把撈故橋有把撈之稱宋史地理志京玉關西至通川堡四十里通川堡西至通遠砦四十里通遠砦西至湟州三十五里是此關距湟州一百一十五里又關京玉關東至西關堡四十里以續通鑑長編孫路所言過川東至蘭州二百餘里計之西

關堡至蘭州應爲五十里是此關距蘭州實九十里防輿
紀要甘肅舊志謂此關在皋蘭西北四十五里均誤

又案瓦坎砦在故湟州來賓城東北界一十七里來賓城在今樂都縣西南廣公城東一百三里宋樂州領來賓城舊名亂當川崇甯三年賜名西甯衛志在舊樂州西南百一十里安肅寨在故湟州西四十五里

冬十月庚申熙河蘭會路經略安撫使王厚言河西軍節度使趙懷德等出降
夏人入涇原圍平夏城犯鎮戎軍

甲三年遼乾統四年夏貞觀三年春月三別遣知河州劉仲武統制兵將

童貫自京師還至熙州凡所措置與王厚皆不

異於是始議大舉是日厚貫帥大軍發熙州出澹金平隴右都護高永年為統制諸路蕃漢兵將隨行知蘭州張誠為統制厚恐夏人援助青唐於蘭州界侵擾及河南蕃賊亦

乘虛竊發騷動新邊牽制軍勢乃遣知通遠軍潘逢權領澶州知會州姚師閱權領蘭州控禦夏國邊面別遣知河州劉仲武統制兵將駐安疆寨通往來道路初仲武知河州李

忠與骨延戰不利骨延子趙懷德及狼阿章聚眾數萬勢強甚仲武禦之與賊相持二日潛遣二將各五百騎直抵賊營令之曰賊迎戰勿與戰亟還伏兵道左伺二將還賊

追之伏發大敗其眾斬三千級貫知其可大用故委以重任由是措置完密無後顧之憂大軍得以專力西向

案劉仲武字子文秦州成紀人也以戰功累遷知河州隨大軍收復西甯州後移知溫州復還河州有子九人而備為最著高宗南渡錡與吳玠吳璘保全隴蜀為中興名將隨干

人稱為三將軍者也

五月夏遣李造福田若水求援於遼恐童貫王厚之加兵於其國也

六月己巳童貫及撫王安厚復湟州官軍進至湟州會高永年等軍於城東版上諸將各率所部環城遣人約降其大首領丹波禿令結

盡拘城中欲降者據城不下厚與童貫登城南山觀城中盡見其戰守之備分遣諸將守一面攻城賊援兵自城北宗水橋上繼至勢益張諸將有言賊得援力生我師攻戰久已

疲請暫休士卒徐圖之厚謂貫曰大軍深入至此是為死地不急破其城青唐王子擁大衆來援據橋而守未易以旬日勝也形見勢屈將安歸乎諸將不以計取願欲自便豈計之得耶敢有再言者斬於是諸將各用命死士勇城賊以石縱擊垂至堞而墮奮復上者不可勝數鼓四合晝夜不絕聲矢下如雨城中負盾而立庚午別遣驍將主用率精騎出賊不意據宗水上流擊破賊兵絕其歸路乘勝奪水寨初元符間築城宗水之北以護橋至是賊守之有番將包厚緣城而上擣槍擊賊引衆踰入城退保橋南厚開其門王用因以其衆入據橋城而戰勢猶未沮遂焚其橋中夜如晝諸將乘火光盡力攻城城中不能支大首領蘇南抹令甄澤遣人縋城送款請為內應許之是夜王享奪水門入與其麾下登西城而呼曰得湟州矣諸軍鼓噪而進丹波禿令結以數十騎由西門遁去辛未黎明大軍入湟州假高永年知州事完其城而守之前後招納湟州境內漆令等族大首領七百五十人管戶十萬厚具捷書以聞初湟州未克青唐王子豁餘羅撒率衆來援過安兒峽聞城已破遂駐宗哥城以丹波禿令結不能守斬之以徇時論者皆欲屠捲而西王厚與童貫及諸將議曰湟州雖下形勢未固新附之人或持兩端青唐餘燼尙強未肯望風束手我師徂於新捷其實已罷若貪利深入戰有勝負後患必生歲將秋矣塞外苦寒正使逸得膏唐諸將未可與築若不暴師勞費則必自引而歸玩敵致寇非萬全之策也往年大軍之舉事忽中變正以此耳湟州境內要害有二一日亂當在州之南前已城之矣其二曰省章在州之西正為青唐往來咽喉之地漢人謂之隄陘唐人嘗修關道刻石記其事地極險阻若不城之異日出兵賊必乘間斷我歸路其三日南宗寨在州之北距夏國卓羅右廂監軍百里而近夏人交構諸羌易生邊患今若城之可以控制况此三城正據鄯湟腰背控制之利可斷首尾之患厚生元符間已嘗建論不從竟致棄地之事覆車

之轍何可復蹈且三城既畢追境遂回降者悉為吾用地利可佐軍儲形勢所臨威聲自遠益知招撫降衆必多此支解虜羌之術明年乘機一舉大功必成或謂厚曰朝廷之意必欲亟定青唐從而有功必受重賞違之且得罪厚曰忠臣之誼知體國耳違他卹乎遂以是日甲戌移軍趨省章東峽之西得便地曰灑金平建五百步城一座後賜名曰綏遠關大軍駐關中給除羅撒尙在宗哥遣其大首領奔已令阿昆等輩持蕃書詣軍門請保渴驢嶺以西而和書辭每至益卑時軍中已定議保完湟境來春進取且欲懈賊鬪志使不為備於是以便宜聽所請

移書張示威信賊中大震

案灑金坪在故湟州西二十里原名四望關即今青海樂都縣之大峽口有河南河北關距小峽口尙四十里綏遠關即西甯小峽口宋史合兩地而為一事誤宗哥城在湟州以南渴驢嶺在德固寨南十里德固寨在綏遠關西界二十里餘見下文綏遠關注

夏人援青唐 以萬象陣於臨宗乳酪河之東會聞給除羅撒敗於宗哥敵氣沮傷王厚即遣張誠率師赴之夏人望風而退

秋七月庚戌王厚童貫帥大軍攻鄯州

諸將狃於累勝多言青唐易與宜徑往取之厚曰不然青唐諸羌用兵詭詐若不出強兵

分道而進不足以張大聲勢折賊姦謀且湟州之北有勝鐸谷西南有勝宗隘汪田丁零宗谷而中道出綏遠關斷我糧道然後諸部合勢夾攻渴驢嶺宗哥川之間勝負未可知也於是定議分出三路厚與貫率三軍由綏遠關渴驢嶺指宗哥城都護高永年以前軍由勝鐸谷沿宗河之北別將張誠同招納官王端以其所部由汪田丁零宗谷沿宗河之

南期九日會於宗哥城下是日貫猶以諸將之言爲然先趨綏遠用馮瓊統先鋒登渴驢嶺候騎言青唐兵屯嶺下者甚衆貫止綏遠翌日厚以後軍至始下渴驢嶺豁除羅撒遣般次迎於路竊覘虛實勞而遣之誠曰歸語而主欲降自亟決大軍至鋒刃一交將無所逃矣般次還報以爲我軍不其衆初不知分而進也豁除羅撒喜曰王師若止如此吾何慮哉以其衆據朴江古城俄聞三路兵集據邊二十里宗哥城之東地名葛破湯有大澗數重可恃而戰賊遂據之是夕中軍宿於河之南鶴子隘之右永年軍宿於丁零宗口時則鄯州猶未克也而兵力已掃蕩而有餘

案王厚所復湟州地土自蘭州京玉關沿宗河而上取漢州臨宗寨入鄯州界宗河即湟水今舉蘭縣九十里之小寺溝河湟交會爲赴湟州及鄯州要津苗履不敢自巴贊度河巴贊即把拶又把拶宗在湟水南見續長編拾補

又案綏德關在今青海省西甯縣南三十里俗名小峽口漢時名湟陘唐人於此修閣道宋崇甯二年築綏德關控制要害又名省章城今名南關曰武定北關曰德安餘見第一卷神爵元年秋七月趙充國屯田湟中及二十一卷光緒三年秋七月西甯小峽口新築南北兩關注

慕壽祺曰昔王韶建議謂欲平夏國必先恢復河湟幸而熙河洮岷俱入版圖矣而青唐猶負固不服又與夏人聯絡一氣大豺虎非自相搏則未易取也癰疽非其自潰則未易攻也夷狄非自相仇則未易平也王厚不避艱險平復湟鄯廓三州可謂善繼人之志善述人之事者矣

王厚復鄯廓州

厚帥大軍次於湟命高永年將左軍別將張誠將右軍自將中軍期會宗噶爾川羌置陣臨宗水倚北山希卜薩羅桑張黃屋建大旆乘高指呼望

中軍旗鼓爭赴之厚麾游騎登山攻其北親帥強弩迎射羌退走右軍濟水擊之大風揚沙礫羌目不得視遂大敗斬首四千三百餘級俘二千餘人希卜薩羅桑以一騎馳去其

母龜茲公主與諸酋開城門降厚將大軍趨廓州羌酋喇什鈞稜節以衆降遂入廓州

案宋史厚與童貫措置選鋒五將前行中軍渡河而北繼永年之後張誠夾河而行日未出至賊屯所賊衆五六萬人據地利列陳張疑兵於北山下其勢甚銳厚命馮瓘統選

鋒五將與賊對陣王亨統策選鋒繼其後永年持前視賊未知所出厚謂貫曰賊以逸待勞其勢方熾日漸高士馬飢不可少緩宜以中軍越前軍傍北山整陳而行促選鋒入戰

破賊必矣既行謀者言谿除羅撤與其用事酋長多羅巴等謂衆曰彼張蓋者二太尉也爲我必取之貫欲召永年問賊勢厚曰不可恐失支梧貫不聽及永年至攬轡久之無一

語厚謂永年曰兩軍相當勝負在頃刻間君爲前軍將久此何耶永年惶恐馳去時賊軍與我選鋒相持未動谿除羅撤以精兵數千騎自衛登其軍北高阜之上張黃屋列大旆

指揮賊衆其北山下疑兵望見厚與貫行中軍傍山欲來奔衝厚遣遊騎千餘登山潛攻其背賊覺而遁遊騎追擊之短兵接中軍伐鼓大噪永年遽揮選鋒突陣賊少却張誠以

輕騎涉河擣其中堅取谿除羅撤之旆及其黃屋乘高而呼曰獲賊酋矣諸軍鼓聲震地會暴風從東南來壘大起賊軍不得視我軍士乘勢奮擊自辰至午賊軍大敗追北三十

餘里谿除羅撤單騎趨宗哥城城閉不納遂奔青唐諸將爭逐之幾及會幕而還是日斬首四千三百一十六級降俘三千餘人大首領多羅巴等被傷逃去不知所在宗哥城中

爲公主瞎叱牟蘭兼率酋首以城歸順宗哥城舊名龍支城取兵將守之是乃合軍於河之南翌日勝宗首領欽斯雞率衆來降甲寅厚貫入安兒城乙卯引大軍至鄯州僞龜茲公主青官結率及其酋豪李河溫率回紇于闐般夾請族大小首領等開門出降鄯州平開豁除羅撒敗於宗哥夜至青唐謀爲守計部族莫肯從之者翌日挈其長妻逃入豁

蘭宗山中厚遣馮瑾統輕銳萬騎由州南青唐谷入賊復覺之遁於青海之上追捕不獲

又案故鄯州即今青海省治唐分置鄯城縣屬鄯州後陷吐蕃驩青唐城湟州舊爲碾伯縣今改樂都宋元符初收復置湟州官和初改爲樂州後入西夏鄯州即今貴德縣寰宇

記後周於達化縣界澆河故城置蘇州隋亂陷廢唐天寶初改甯塞郡乾元初復曰鄯州屬隴右道

詔更鄯州爲西甯州 建隴右都護府於西甯州

八月疊州蕃落來降升通遠軍爲鞏州以處之 鞏州舊爲鞏昌府今改隴西縣

一案古疊州周建德六年置唐初李勣爲香州都督故城在洮州西南一百八十里其地宜稻氣候溫和水清秀今爲番族所據歸土司楊植慶管轄與四川松潘接壤餘見第五

卷隋開皇二年冬十月略平難爲疊州刺史註

慕壽祺曰國民軍在甘時擬在洮岷所屬增設四縣而疊州尤易於成功蓋唐以前其地已開闢矣遙遙千餘年間州治雖廢而前代之城垣先疇之畎畝依然在也就其基而設

置焉土司當不至藉口生番故為阻撓計不出
此日皇皇焉謀靈鷲青海畫餅充飢庸有濟乎

丁未朔再論前次放棄湟州罪

除許將已放罪曾布已貴廉州司戶外韓忠彥安濟范
純禮蔣之奇各貶官龔夫化州張廷堅象州編管陳次

以中初以
以中初以
以中初以
以中初以
以中初以
以中初以
以中初以
以中初以
以中初以
以中初以

升循州姚雄光州居住錢景祥秦希甫开勒停李清臣身死其子祉當時用事送英州編
管又詔胡宗同頃帥熙州曰屢陳堅守鄴湟之議具落職罷任可特與復賢文閣待制知
秦州湟州既平王厚奉詔措置河南生羌其地在大河之南連接河岷部族頑梗厚以為
若不先事撫存據其要害大軍欲向鄴廓必相影助或於熙河州界出沒為牽制之勢擾
我心腹其害甚大乃留王端王亨在湟州與高永年等就近招納宗哥青唐一帶部族存
撫新附羌人甲子大軍由來賓城濟河南出來羌拔當標城又進至分水嶺平一公城達
南宗癸酉厚引軍赴米川城遇蕃賊三千餘騎與戰破之賊焚橋遁去明日厚修橋欲
濟賊復來扼據津渡厚及童貫幾為流矢所傷乙亥來賀城陷賊掠取財物仍各散去

冬十月夏人攻涇原

乾順既執保忠蔡京猶責王厚誘致厚曰雖不為所殺亦不能復領
軍政使得之一匹夫耳何益於事京怒必令金帛招致之夏人乃點

兵延渭慶三路各數千騎出沒
聲言假兵於遼矣遂入涇原

夏人與熙河路鈐轄趙隆遇於鐵山戰敗績

時夏人入涇原上令熙河兵深入毋令
專嚮東方師至鐵山與夏人遇隆先登

士皆殊死戰
夏人乃解去

夏人圍平夏城

諸校欲出戰涇原都總管王恩曰賊傾國遠寇難以爭鋒宜以全制其敵彼野無所掠必歸歸而遇伏必敗乃先行萬人設伏夏既退師果遇伏亡

失甚衆

案哲宗紹聖四年章惇知渭州城平夏上言城胡蘆河川合秦鳳熙河四路之師築二砦於石門峽口註云在固原州北水經註云石門水導源高平縣右入東水亂流後左會三

川參差相得東北同為一川混濶歷峽口即隴山北陲謂之石門口今考章惇所築之平夏城即海原縣李廷堅臣峽口三十里而峽口迤東又有二廢砦遺址

夏人攻鎮戎軍

初蔡京罷竊延經略州怨之言使熙河造船直抵興靈以控夏國巢穴其謀皆違疑有類兒戲夏人笑之至是夏人犯鎮戎京知不可用乃徙邢恕

知太原

十二月以兩節夫經制涇原及河東等五路

節夫所築城砦皆虜不爭之地以就功論實未嘗遺一騎一卒出差至是蔡京

力主之使經制五路

乙酉四年

遼乾統五年夏貞觀四年春正月以童貫為熙河蘭湟秦鳳路經略安撫制置使

童貫既命

監洮西軍今又以為熙河蘭湟秦鳳路經略安撫制置使則是邊將大柄皆一宦者專之也

三月夏人侵涇原遂誘吐蕃圍宣威城執知鄯州高永年殺之

先是三年冬十月蔡京使王厚招夏

卓羅右廂監軍仁多保思厚言保思雖有歸意而下無附者章數上不聽京責厚愈急厚乃遣弟詣保思還爲夏之邇者所獲夏主乾順遂追保思赴牙帳而奪其權此崇甯三年事也京猶責厚誘致時乾順弟察哥雄殺多榘略掌兵政乃黜兵延渭慶三路各數千騎遣使求援於遼朝議命西邊能招致夏人者毋問首縱賞同斬級又以陶節夫經劍陝西河東五路在延州大加招誘夏主遣使翼請皆拒之且令殺其放牧者夏人遂犯涇原命李南公出兵搗其虛夏兵乃退戊午圍平夏城又入鎮戎軍掠數萬口而去於是羌酋谿賒羅撤合兵逼宣威城知鄯州高永年出禦之行三十里爲羌人所執多羅巴謂其下曰此人奪我國使我宗族漂泊無處所遂殺之挖其心肝以食焉谿賒羅撤復焚大通河橋新疆大震事聞帝怒親書五路將帥劉仲武等十八人姓名敕御史侯蒙往秦州逮治蒙至秦仲武等囚服聽命蒙諗之曰君輩皆侯伯毋庸以獄吏辱君弟以實對獄既具蒙奏言漢武帝殺王恢不如秦穆公赦孟明今羌殺吾一都護而使十八將由之而死是自艾其支體也欲不病得乎帝悟釋不治惟王厚坐逗遛責授鄧州團練使

案高永年西甯人崇甯初蔡京議復湟鄯二州王厚使永年帥兵二萬出京玉關克安川堡遂至湟鄯知州事熙寧秦兩路兵馬都統制前將軍駐宗哥北谿賒羅撤萃精勇鎮高阜欲衝官軍永年揮選鋒突陳師乘之羌大敗遂平鄯州遷賀州團練使知鄧州事至是爲多羅巴所殺

又案宋地理志西甯州北五十里至宣威城舊名蓋牛崇甯三年更名又西甯府志宣威在倚郭故縣北五十里倚郭縣故城西甯南四十里即今西甯縣南川伏羌城地也

壽祺曰高永年之戰論者謂不驪劉仲武之言以至於死然其所以死之由固別有在自古為邊城將者所用親兵必須素所深信方可以隨左右而共患難永年生長西甯視戎狄為一家給使左右者皆夙昔推納之熟戶羌也永年毫不之備竊踪羅撒合夏國衆逼宣威城永年出禦之行三十里蓬羌帳下親兵遽執永年以叛與哥舒翰盛贊之賊蕃將火拔歸仁等執翰降賊送洛陽前後如出一轍非我族類其心必異豈不誠然乎哉

閏四月河西節度使趙濟德來降

已丑帝御端門受之授盛德軍節度使封安化郡王

曲赦熙河蘭會路

夏人攻臨宗砦

臨宗屬湟州圍之數重伏兵乳酪河西邀截中國援兵知所辛叔憲遣部將李甯將兵出戰先以鐵騎蹂伏處繼兵奮擊遂敗

案西甯府志臨宗砦在宗谷南去汝湟州分界二十一里宗谷西甯縣治東北舊名綬邊案南宗堡又在臨宗砦北一十五里

五月夏人攻順甯砦及湟州北蕃市城又敗

陶節夫既城石堡銀州上言洪宥諸州已在顯盼中橫山之地十有七八與州

巢穴淺露直可計取因陳取興靈之策蔡京令西邊儲粟以待乾順聞之先以兵攻順甯砦延第二副將劉延慶奮擊乃退攻湟州北蕃市城又為辛叔憲所敗

戊子大觀二年

送乾統八年夏貞觀七年

春二月童貫復洮州認加貫檢校司空憲澤瑛等各率所

部攻洮州克之妻至百官表賀以玉帶賜蔡京賈尋復積石軍易
鐵奉帝恃功驕恣選置將吏皆取中旨不復關朝廷蔡京不悅

五月賈復積石軍

賈復時陝西欲招誘僞王子威征樸哥收積石軍積石與西甯

西甯可掩捕若降可招納或深入巢穴可乘其便河橋功力卒未易燬可預具若稟命待
報則失機會奈何賈許以便宜威征樸哥果欲降丐一為質仲武即遣子錫往而河橋亦

成仲武以兵渡河擊僞降王以歸賈掩其功止錄河橋之勞仲武終不自言徽宗遣使持
金鷄賜先得積石軍招納降王者使者訪其賈以義授仲武召對徽宗曰高永年失律以

不用卿言招納降王撫定河南皆卿力也仲武謝問幾子曰
九子徽宗悉命以官以錫為閤門祇候復知西甯州移渭州

案積石軍即今循化縣又為安疆若地在西甯府東南二百八十里東至河州界九十五
里宋史積軍本溪哥城元和志積石軍在廓州西南一百五十里西甯府志積石軍故城

在碾伯縣治東南本漢金城郡河關縣地唐咸亨中置軍屬隴右節度府後沒吐蕃宋初
收復置溪哥城元符中為溪巴溫所據大觀中威征樸哥以城降即其地復置積石軍

六月升平夏城為懷德軍

案章遼知渭州築城於石門峽江口好水河之陰賜名平夏城其地在同原州西北即今
梅原縣所屬之李旺堡地理志懷德軍本平夏城紹聖四年建築展城作軍初名威德增

置兵將與西安鎮戎互為
聲援應接蕭關瑯嶼間阻

夏人以兵戍蓋龍塊

國家既復洮州復攻溪哥城西蕃王子賊征撲哥降建積石軍距蓋龍塊不及百里乾順恐其侵掠以兵五千戍之

己丑三年

遼乾統九年夏貞觀八年春正月升湟州為懿德軍節度

二月夏人造焦彥堅至涇原定疆界不果

自紹聖後西邊疆議不定乾順屢以為言特遣彥堅入涇原請畫界至知懷德軍

師道留與議彥堅必欲得故地師道曰如言故地當以漢唐為正則君家疆土益遠矣彥堅無以對

慕壽祺曰是年三月焦彥堅使還夏主乾順以宋不歸侵地怒與羣臣謀曰身膺宗社之重不能復先朝故土恥也因使人入告於遼請遣信使諭宋是亦希望國聯之主張公道矣而遼主不許明年正月復使人獻方物冀得要請西夏國小兵單於其所失之地必欲歸而後已若以堂堂大國而先朝故土任人今日割五城明日割十城恬然不復知有羞恥事者是又在乾順下矣

庚寅四年

遼乾統十年秋九月夏瓜沙肅三州瓜沙諸州素鮮耕稼專以畜牧為生自三月不雨至於是水草乏絕赤地數

百里牛羊無所食蕃民流亡者甚衆監軍司以聞乾順命發靈夏諸州粟賑之

庚辰政和二年

遼天祚帝天慶二年春二月夏命選人以資格進凡宗族世家議功議親俱加蕃漢一等王文學

者尤以不次擢夏國諸臣以其主禮重文學恐軍備或致廢弛會是年夏六月白虹貫日乾順命諸臣直言得失御史大夫謀甯克任疏言自用兵延變以來點集則害農時爭鬪則疲民力星辰示異水旱告災山界數州非侵即削近邊列堡有戰無耕於是滿目瘡痍日呼庚癸豈所以安民命乎且吾朝立國西陲射獵為務今國中養賢重學兵政日弛昔人云虛美熏心秦亂之萌又云浮名妨要晉衰之兆臣願主上既隆文治尤修武備毋徒慕好士之虛名而忘禦邊之實務也乾順不能用

慕壽祺曰治內以文對外以武其立國之常道乎夏自永樂大捷兵氣馮凌中原命將以出征謂宜委戈而聽命乃啟軍所至殺害吏士捍拒王師此正用武時也而國內工文學者尤以不次擢可謂知所本矣彼操同室之戈而對外抱不抵抗主義者何顛倒一至於此哉

甲四年 遼天慶四年夏 貞觀十三年 多西夏叛將李訛曷及其子遇昌復來歸 訛曷為環州定遠大首領以書遣統

軍梁哆唆曰我居漢二十年每見春風既虛秋庚未積糧草轉輸例給空券方春未秋士有飢色若卷甲而趨徑搆定遠睡手可取定遠既得刺旁十餘城不攻而下矣我諸穀累歲闕地而藏之所在如是大兵之來斗糧無蓄可坐而飽也哆唆遂以萬人來迎轉運使任諒先知其謀募民盡發窖穀哆唆圍定遠失所藏越七日訛曷遂以其部萬餘來歸未幾訛曷復圍觀化堡而邊儲已足乃解去

夏人築臧底河城 保安軍之北南界上有汭流名臧底河夏人近是築城為要害必爭之地

乙未五年

遼天慶五年夏雍甯元年金太祖收國元年

春正月熙河將劉法敗夏人於古骨龍

法將步騎十五萬出湟州

秦鳳經略劉仲武將兵五萬出會州童貫以中軍駐蘭州為兩路聲援仲武至清水河築城屯守而還法復右廂軍戰於古骨龍大敗之斬首三千餘

案松漠紀聞遼道宗末年女真阿骨打來朝以悟寶從與遼貴人雙陸貴人投瓊不勝安行馬骨打頂其拔小佩刀欲割之悟寶急以手握韜骨打止得其柄找其胸不死道宗怒

侍臣以其強悍威勸誅之道宗曰吾方示信以待遠人不可殺或以王衍縱石勒張守珪赦安祿山終致後害為言亦不聽卒歸之至叛遂用悟寶為謀主遂滅遼逐宋南徙有中

原之地是為金太祖

案古骨龍即振武軍後改為武軍在礪伯縣大遼縣界西甯縣西南石堡城此城原名鐵勿唐開元十七年陷吐蕃信安王偉攻拔之命曰振武軍祿山亂後再陷吐蕃宋政和

中熙河經略劉法同劉仲武大破夏人於此解振武軍圍又古骨龍城有接應堡政和八年賜名大同堡餘見後宣和元年春三月夏圍震武軍注

案金國本名朱里真蕃語舌音訛為女真或曰慮真避契丹興宗名又曰女真肅慎氏遺種渤海之別族也或曰三韓辰之役挈氏於此地中最微且賤唐貞觀中鞞鞞來中國始

聞女真之名世居混同江之東長白山下其山乃鴨綠水源南鄰高麗北接室韋西界渤海鐵離東瀕海三國志所謂抱婁元魏所謂句吉唐所謂黑水靺鞨者今其地也其屬分

六部有黑水部即今女真其水掬之則色微黑契丹目為混同江深二十丈餘狹處可六七

亦臣服於契丹後有酋豪受宣命之首領號太師契丹自賓州混同江北八十里建寨以守又云契丹乘唐衰併吞諸蕃三十六女真在其中契丹恐女真爲患誘豪右數千家處之遼陽之南而著籍焉分其勢使不得與中國通謂之合蘇款自咸州東北分界入宮口主東泃江中間所居之女貞或隸兵馬司與其國往來無禁謂之回鶻抵凌而野居者謂之黃頭女真又居東泃江之北甯州江之東地方千餘里人口十餘萬無大君長亦無國名止是族帳散居山谷間自推豪傑爲酋長小者千戶大者數千戶蓋七十二部落之一也僻處契丹東北隅臣屬一百餘年世襲節度使兄弟相傳遇而復始或又云其初酋長本新羅人號完顏氏完顏猶漢言王也女真妻之以女生二子其長卽胡來也其自此傳三人以至阿骨打以其國產金及有金水源故稱爲大金

夏人侵定遠築佛口城童貫以知西安州种師道之兵來爭夏人往禦敗績

師道

率師來袁佛口城始至渴甚師道指山之西麓曰是富有水命工求之果得水滿谷夏人以爲神

二月以童貫領六路邊事

時永興譚延環慶秦鳳涇原熙河各置經略安撫司以貫總領之於是西兵之柄皆屬於貫矣

秋九月王厚等攻夏滅底河城夏人敗之遂大掠蕭關

劉仲武王厚復合涇原鄜延環慶秦鳳之師會攻滅

底河城敗績死者十四五秦鳳第二將全軍萬人皆沒未幾夏大以數萬騎略蕭關而去

是年湟州丁羊谷坑得鑛成金

丁羊谷在今樂都縣治內古湟州境金坑得鑛迄未開採至明萬歷二十四年僅開西甯北山鐵鑛不久仍封

開

案西甯府志鐵廠在北山五十里萬歷二十四年都御史田樂檄兵備按察使劉敏寬募鐵師採鑛燒鐵置爐二每爐官一鐵師一學燒鐵軍四認辦軍二鐵匠二石匠一木匠一運鐵鑛軍二鐵匠二二十八扇鑛軍八每月一爐出鐵二次約共得生鐵三千斤昔同鐵輪自漢中疲於轉運復且後時不給自敏寬設場之後省役夫之勞而鐵倍其用大稱便利今鐵封閉然極之地安不忘危故詳載以備考云

慕壽祺曰西甯五金並產逐處皆有非僅丁羊谷為然也大通縣西北野牛溝有沙金名曰上廠其與永登縣邊界之鑛羌灘亦有金鑛名曰下廠光緒二十二年委知州宋之章駐山督辦毫無成效三十二年歸西甯鑛馬福祥辦理番民阻撓中止今其時矣

庚午六年 遼天慶六年夏雍甯 春正月劉法攻夏仁多泉城屠之

法與劉仲武合熙秦之師十萬攻夏仁多

泉城知蘭州何灌砲傷足不願攻愈力三日不克夏援兵不至城中請降法受其降而屠之獲首三千級

渭州將神師道以十萬衆復攻夏臧底河城克之

詔帥陝西河東七路兵征臧底城期以旬日必克既薄城下夏人守

備甚固官軍少怠列校有擲胡床自休者師道立斬之屍於軍門今日城不下視此
乘股梁安邊巡檢楊震拔劍先登衆噪而登城斬首數百級城即潰時兵纔至八日

秋七月築震武城

由是喃廝囉之地悉為中國郡縣矣

案西甯府志震武城在大道縣境宋志政和六年進築古骨龍城賜名震武城未幾改為軍元屬湟州有通濟橋本名震武城浮橋

冬十一月夏人犯涇原屠靖夏城

報仁多泉之役也時久無警夏先使數萬騎繞城踐磨漲天兵對不睹乃潛穿濠為地道入城中城遂陷

屠之而去

神師道城席葦

師道督諸道兵城席葦平方賦上而夏人來爭堅壁葫蘆河師道陣於河濟若將決戰者陰遣偏將曲允徑出橫嶺揚言援兵至夏人方駭顯

而折可世潛軍軍其後姚平仲以精甲表擊之夏人大潰斬首五十級獲橐駝馬牛萬計其酋僅以身免卒城而還

案席葦平即今鎮原縣西南鄉之新城鎮也宋地理志新城鎮控大蘆川路即太宗時饋餉靈州路後神師道督諸道兵城席葦與夏人戰於葫蘆河濟即此神宗熙甯三年省裁

原若人馬後為驛今為鎮

涇慶路部將郭浩抵西夏靈州城下

浩郭成子也驍勇善戰有父風準百騎至靈州城下夏人以千騎追之浩手斬二騎以首還

十二月賜席葦平新城名曰靖夏城

以靖夏城爲夏人攻陷故也

案靖夏城在今平涼縣境屬平涼新城在涇原路屬今鎮原縣西鄉先是徽宗時知渭州种師道謀所以禦夏人之侵略率兵往城席葦平方庀工而夏人甚至搏颯慮河堅壁老我師師道陳於河濱若將決戰者使人揚言曰援兵至矣敵方疑顧而折可世潛軍其後姚平仲以精甲衷擊之敵軍大潰斬首五千級獲棄駝馬牛萬計其首領僅以身免卒誠而還是年冬十一月師道以靖夏城陷於夏人降蘭州防禦使至是以席葦平新城名曰靖夏城

是歲秦鳳將劉仲武築德威城以防夏人

董貫遣仲武出會州至清水河築城屯守而還賜名德威城圖秦鳳路西至黃河四

里古會州今之靖遠縣也

丁七年

遼天慶七年金太和人補元年夏雍甯三年

春夏人圍丁星原

丁星原在乳酪河西距湟州綏遠關四十里初劉法解震武圍於曙令古

城北連築德通石門兩城堡乾順畏逼遣兵入丁星原圍之見禦備固旁掠六日而還帝詔再築靖夏伏羌制戎等城爲備

案轄令古城在西甯縣西南劉武解震武軍圍築城於此名曰德威石門堡在德通城北舊名石門子政和八年賜名伏羌堡在西甯牛心川南四十里一名南川營舊稱爲那孩川靖夏在西甯州與涇原之靖夏城同名制戎若在西甯縣彭嶺

益麻黨征來降

喇麻囉氏舊據青唐方董彭入朝益麻黨征走西夏請降貞觀間羌人假其名以附朝廷優待之賜姓名趙懷恭至是劉延慶來攻成德軍夏曾賞

屈被擒益麻黨征遂降

夏六月熙河環慶涇原等處地震

經旬城若關堡官私廬舍並皆摧塌居民覆斃死傷甚衆

戊重和元年

遼天慶八年金天輔二年夏雍甯四年

春二月夏人犯邊將官張迪死之

夏六月夏人築割牛城廓州防禦使何灌襲之城不守

乾順見中國進築不已於亂六嶺分界處築割牛城

屯重兵守之為東南捍蔽童貫使灌由虜公城夜出兵襲據之貫以聞賜名統安

案西甯府志周公城在貴德縣西南廢廓州東北宋志廓州領虜公城舊名結羅城崇甯二年改今名去廓州三十餘里

己亥宣和元年

遼天慶九年金天輔三年夏雍甯五年

春三月夏人與劉法戰於統安城法敗走夏人

追殺之遂圍震武軍

童貫謀進築橫山以太尉將奏晉銳師深入河隴薄於蕭關古骨龍謂可制夏人死命遣大將劉法取朔方法不可貫逼之曰

君在京師時親授命於王所自言必成功今難之何也法不得已引兵二萬出至統安城遇夏國主弟察哥郎君率步騎為三陣以當法前軍而別遣精騎登山出其後大戰移七

時前軍楊惟忠敗入中軍後軍惟安節敗入左軍朱定國力戰自朝至暮兵不食而馬亦渴死多法乘夜遁比明走七十里至盩朱峴守兵見而追之法墮崖折足爲一別膽軍斬首而去是役死者十萬察哥見法首惻然語其下曰劉將軍前敗我於古骨龍仁多泉吾嘗避其鋒謂天生神將豈料今爲一小卒梟首哉其失在恃勝輕出不可不戒遂乘勝圍震武震武在山峽中熙秦兩路不能餉自築城三歲間知軍李明孟清皆爲夏人所殺至是劉仲武令河東將何灌救之灌以乘寡不敵但張虎聲嚇之攝帥事劉鞫出奇兵敗之察哥曰勿破此城留作南朝病地乃自引去而宣撫司受解圍之賞者數百人實自去之也諸路所築城皆皆不毛夏所不爭之地而關輔爲之齋條果如察哥之言

夏令邊吏叩攝震武帥劉鞫請平

夏人來言願納款謝罪廷臣皆以爲詐鞫曰兵與累年中國尙不支况小邦乎彼雖新勝其衆亦疲懼吾

再舉故款附以圖自安此情實也密疏以聞詔許之

夏四月童貫以鄜延環慶兵大破夏人平其三城

童貫令种師道等出薊關夏人棄永和割踏兩城而遁遂平之追及

鳴沙無所見而還由是橫山之地悉爲國家所有

改名

五月敗夏人於震武

夏人築葺平砦

夏人據塞水源以渴我師邊將郭浩率精騎數百奪之夏人攻石尖山浩冒陣而前流矢中左脅怒不拔奮力大呼得賊乃已諸軍從之夏人敗走

六月夏人來議和詔童貫罷兵

秋七月以貫為太傅

關右既因童貫諷夏人因邊進誓表納款遂詔六路罷兵及夏遣使還及境棄之道中而去貫炎得而上之貫始大沮尋

加貫太傅封涇國公時人解蔡京為公相貫為媼相

辛三年 遼天祚保大元年金天

輔五年夏元德二年 是歲夏人攻西安州懷德軍陷之

帝問西事李浩曰臣去任已聞警慮

夏人必乘間盜邊願選將設備已而果攻涇原取西安州懷德軍紹聖開邊之地復盡失

壬四年 遼保大二年金天

輔六年夏元德三年 夏四月金將耶律坦入夏境夏人以兵備河西

先是政和五年

春正月女真完顏阿骨打稱皇帝更國號曰金稱收國元年與遼人抗衡至是金將耶律坦率兵直至夏境聲勢甚盛夏主乾順遣兵備河西諸郡坦解去

甲六年 遼保大四年金太保天

會二年夏元德二年 春閏二月蘭州涇原地大震

初政和五年秋七月涇原地震至是京師河東陝西

地震宮殿門皆搖動有聲河東陝西尤甚陵谷易處蘭州地及諸山草木悉沒入而山下
麥苗皆在山上詔右司郎中黃潛善按視不以實聞上意乃安遷潛善為戶部侍郎涇原
等州人流亡第令所在賑恤而已及期
又大震令汪伯彥按視還亦報不為災

幕壽祺曰天地之氣陰伏而不能出陽迫而不能蒸於是地有地震甘肅地震常事耳而大
震不多見今蘭州涇原地大震徽宗命黃潛善汪伯彥往視假使皆以實聞政府發帑數

百萬金賑濟災民是亦仁政也而散賑之官與紳
能否使窮民得實實惠稍延殘喘願良心如何耳

案金主號完顏氏完顏者猶漢言王也金主九世祖名彥福追諡景元皇帝號始祖配曰
明懿皇后八代祖名訛魯追諡德皇帝配曰思皇后七代祖名佺海追諡安皇帝配曰節

皇后六代祖名隨闕追諡定昭皇帝號獻祖配曰恭靖皇后五代祖名遵名實魯追諡成
襄皇帝號昭烈配曰威順皇后高祖太師名胡來追諡惠皇帝號景祖配曰昭肅皇后曾

祖太師名核里頗追諡聖肅皇帝號世祖配曰翼簡皇后曾叔祖太師名蒲刺束追諡穆
憲皇帝號肅宗配曰靜宣皇后曾季祖太師名楊哥追諡孝平皇帝號穆宗配曰貞惠皇

后伯祖太師名吳刺束追諡恭簡皇帝號康宗配曰敬德皇后祖名曼世祖第二子咸雍
四年歲在戊申生即阿骨打也滅契丹諡大聖武元皇帝號太祖同母弟二人長曰吳乞

買次曰撒也阿骨打卒吳乞買立名晟
諡文烈皇帝號太宗配曰明德皇后

已乙 七年秋七月己亥熙河路地震有裂數十丈者而蘭州尤甚

熙河用兵官專權時代 宋徽宗

蘭州俊華印書館出版

案史徽宗名佶神宗子在位二十五年改元六曰建中靖國曰崇甯曰大觀曰政和曰重和曰宣和以宣和五年禪位於皇子桓是爲欽宗

欽宗 丙午 靖康元年 西遼延慶二年金天會四年夏元德七年 秋八月夏人犯涇原 統制李庠聚兵柏林堡拒

涇原第三將曲端力戰乃卻

案遼亡耶律大石西走至塔什干以西招降西州回鶻建都錫爾河上流之虎思朶爾干是爲西遼近人謂西遼都城在今新疆伊犁西域諸國皆歸之而柏米爾南部則尙屬印

度阿母河上流則仍屬波斯

大石一作大實遼太祖阿保機之八世孫也多才有機智金既滅遼大實沐牙亦降後與粘罕曼陸爭道罕心欲殺之而口不言大實懼及既歸帳即棄其妻攜五子宵遁深入沙子沙于者大漠不毛之地平沙浩浩絕無水泉行人多渴死大實之走凡三晝夜始得度故金人不敢窮追初遼之亡於完顏氏也有御馬數十萬匹牧於境外令人以繩遠耒之取至是皆爲大實所得乃立天祚之子梁王爲帝建國於起思漫自居輔相之列宋洪皓使金時謂西遼梁王大實皆亡餘黨猶居其地蓋梁王卒蕭后塔不煙立蕭后卒大實之子彝烈立彝烈卒其妹普速完權國號承天皇后未幾直魯古立爲乃營所滅西遼亡直魯古者大實之孫彝烈之子也

九月夏人陷西安州

元符中以南牟會新城建爲西安州在蘭州西北逼鄰夏境乾順襲取之

案西安有三西安縣漢置後廢即今案鎮在臨淄之西見山東考古錄西安府明置即今陝西省城見明史及一統志西安州宋置在今海原縣之西其初本爲夏之南牟會口今爲西安所土人仍以西安州名之餘見十二卷景帝
景泰元年七先寇西安州海刺都固原等處案語

冬十一月夏人陷懷德軍知軍事劉銓通判杜翊世死之

初經略使席寶牒知懷德軍劉銓銓奉檄即日

就道夏人素聞銓名乃屯兵綿瓦十里而圍之銓晝夜修戰守之備敵百計攻城銓悉以術破之後矢盡糧絕銓度力不支乃同通判杜翊世聚焚府庫環牙兵爲三匝出戰譙門中官軍繼焉翊世同妻張氏義不受辱遂火其室舉家死於烈焰中翊世自縊死銓欲自殺已爲敵所執夏太子遣人置之別室將官之銓罵我甯死願肯降賊耶我苟不死決不貸汝遂遇害是役吳玠以百餘騎追擊夏人斬首百四十級卒以衆寡不敵退守

案宋章榘知滑州帥師出葫蘆河川築二城於石門峽江口好水河之陰賜名平夏城後升爲懷德軍地理志懷德軍本平夏城紹聖年建築展城作軍初名威德增置兵將與西安鎮戎互爲聲援應接
蕭關靖康元年陷於夏

以范致虛爲陝西涇原五路宣撫使會兵入援

先是春正月金人犯京師靖難節度使种師道帥涇原秦鳳兵入援至是

范致虛又率兵入援

夏人攻蘭州入通川園子諸堡大掠

蘭州恃河為固每歲河水合必嚴兵以備士不釋甲者累月元符中蘭川錄事參軍張淑夜築

若天都山夏兵不敢窺境自西安懷德失守乾順遣兵攻天都蘭州力攻五日大俘二堡人畜而還

丁未二年 西遼延慶三年金天會五年夏元德八年

春二月金人割陝西北鄙地於夏

二月金人陷汴京以徽欽二帝北行乃立

異姓少宰張邦昌為大楚皇帝乃盡陝西分界自麟府路洛陽溝東距黃河西岸西歷暖泉堡鄜延路米脂谷至累勝塞環慶路威邊寨過九星原至委布谷口涇原路威川寨略

古蕭關至北谷川秦鳳路通懷堡至古會州自此直距黃河依見今流行分熙河路盡四邊以限封城復分陝西北鄙以易天德雲內以河為界及婁室定陝西婆盧火率兵先取

威戎城軍至威戎東與敵遇擊走之生致二人問人乃知為夏將李遇取威戎也乃還其人而與李遇通問李遇軍威戎西蒲察軍威戎東而使人議事於婁室婁室報曰元席府

約東若兵近夏境則與夏人相持角毋相侵犯李遇亦使人報婁室曰夏國既以天德雲內歸大國大國許我陝西北鄙之地是以至此蒲察等遂旋軍既而金元帥宗翰不欲

以陝西北鄙與夏會金主欲罷陝西兵併力南伐河東諸將不可曰陝西與西夏為鄰事體重兵不可罷宗翰曰與夏初約夾攻宋人而夏人弗應而耶律大石在西北交通西

夏吾舍陝西而會師河北彼必謂我有急難河北不足虞宜先事陝西略定五路既弱西夏然後取宋宗翰善有意於夏人議久不決

案史欽宗名桓徽宗子在位一年改元一曰靖康旋與徽宗為金所執北宋由此亡自太祖庚申受周禪都汴至欽宗丙午為金所陷計一百六十七年

南宋

高宗 丁未 建炎二年

金天會六年夏正德二年西遼康國元年

春正月金人侵西河都監劉惟輔逆擊於

新店破之

洛索既破永興鼓行而西秦州副使李禧降兵勢益張引兵犯熙河經略使張深遣惟輔以精騎三千人禦之夜趨新店金人持勝不虞勢明軍進惟輔

舞稍刺其帥哈宮滿胸墮馬死金人氣奪既而深更檄隴右都護張嚴往追之嚴追洛索至原翔境上銳意擊敵至五里地洛索伏兵地下嚴與曲端莫不至徑前遇伏戰不利死

之

案宋史洛索既得長安即鼓行而西進攻鳳翔府隴右大震夏人謀知關陝無備遂以寫川監軍司徽至延安府自言大金以鄜延割隸本國須當理索若救遠拒當發兵誅討鄜

延經略使王庶口占檄詞報曰爾貪利之臣河漢復有豈意夏國劍路無敵比聞金人欲自涇原徑擣興慶并窺秦州之心不圖尙欲乘人之急竊府監上軍宜然類皆節制之

師左支右吾尙堪戰果能辦此何

用多言徑檄興中府夏人竟不出
夏人取定邊城 定邊城在今慶陽縣北二百里元符初築後改爲軍又置定邊縣爲附郭金定邊寨

二月金洛索西下陝華隴秦諸州秦鳳經略使李復生降陝右大擾 王庶檄召河

延經略使

南北豪傑共起義兵擊敵遠近響應旬日間以公狀自達姓名者孟迪種潛張勉張漸白保李進李彥仙等共各以萬數勝捷卒張宗自稱觀察使亦起兵於南山下彥仙時為石壕尉陝府既下彥仙獨不去民知彥仙在稍稍至彥仙因以軍法部勒之於是月中破敵五十餘壁

三月金人犯涇原經略使曲端遣將拒戰敗之

端備戎人警敏知書長於兵略

夏四月金洛索侵涇原經略使曲端使吳玠擊之洛索敗走

洛索既陷秦州隴右都護張嚴與金人戰

於五里坡敗績死之敵勞益倡派引兵侵涇原曲端使吳玠逆擊於清溪嶺士殊死鬪大敗之金人遂東走曲端乘寇退復下秦州

五月甲午曲救河北陝西京東諸路

初陝西制置使錢蓋聞金人破長安檄集英殿修撰鄜延經略王庶兼節制環慶涇原兵拒敵

既而義兵大起金人東還庶以金人重載可尾襲取勝移文兩路各大舉協力更戰而環慶經略使王似涇原經略使席白以先進望高不欲受其節度遂具文以報而實不出兵金游騎上清溪既為涇原裨將吳玠所扼至成陽望渭河南義兵滿野不得渡遂循渭而東其右軍入鄜延攻康定國龍坊庶急遣將斷河橋又令將官劉延亮屯神水峽斷其歸路金人遂去於是洛索盤礴於馮翊河中扼新河橋以通往來人情大恐涇原統制官曲端乘敵退復下秦州而鳳翔長安皆為義兵收復會經制司統領官劉希亮自鳳翔敗歸端斬之端雅不欲為庶及聞孟迪李彥仙等受事鄜延皆不樂遂揭榜稱金人已過河歸國務農不可失時乃盡散渭河以南義兵庶不歛兵保險猶以誓約似貢欲逼金人渡

河至於再三似不應許出兵四萬亦遷延不行時邸延大以秋深必被兵多避地者道出環慶吏兵民皆惡其驚徒所在掠其財而殺之閭里蕭條矣

金人圍方山原王似命吳玠發兵救之

六月以集英殿修撰知延安府王庶為龍圖閣待制節制陝西六路軍馬涇原

經略使司統制官曲端為右武大夫吉州團練使充節制司都統制

詔書有曰倫不

增難於殘暑之前必致益於秋深之後先是溫州觀察使河東涇州使王瓌既通歸朝廷除瓌知鳳翔府東京留守宗澤承制以庶權陝西制置使端權河東經制使會主客員外郎陝西撫諭使謝亮西入關庶移書曰大夫出疆有可以安社稷利國家專之可也夏國為為患至小而緩金人為患至大而迫方敵兵挫銳於熙河奔於本路子女玉帛不知紀極佔據同華畏暑休兵閣下能使節督諸路協同襄興漕臣應給糧餉爭先並進雖未能洗雪前恥亦可以驅逐渡河全素契就徐圖恢復夏人秋稼未登飢疲困何暇與兵庶可保其無池亮不聽遂自環慶入西夏夏國主乾順已稱制倨見之亮留夏國幾月乃與約和罷兵更月均敵禮乾順許之亮歸夏人隨之以兵掩取定邊軍明年亮乃還行在

秋八月辛巳吳玠遣統領姚仲攻隴城縣克之

隴城縣即今秦安縣之隴城鎮

冬十月王庶使曲端將涇原兵救延安端次於襄樂不進

端雅不欲屬庶凡有命多託辭不行時金雲室

渡河謀知端庶不協併兵攻延安時端統涇原精兵駐淳化庶日移文趣端進端不聽

案襄樂故城在今甯縣北六十里本漢襄洛縣屬上郡在陝西延安府界後魏徙治於此改爲襄樂西魏置蘇州後周俱廢唐屬甯州金仍之元至元七年併入甯州明設巡檢司

州志舊縣在州東北燕原下今爲襄樂鎮

十一月涇原兵馬都監吳玠襲陝賊史斌斬之

陝賊史斌聞與元不克引兵趨關中義兵統領張宗誘斌還長安欲徐圖

之曲端怒宗遣介襲斬斌

己三年金天會七年夏正德三年西遼康國二年冬十一月張浚至秦州

浚巡撫川陝辟劉子羽參議軍事至秦州立幕府節制五路諸將

孫偃賈世方聚涇原鳳翔兵於偕成鳳三州以固蜀

十二月張浚承制拜涇原經略使曲端爲威武大將軍宣撫司都統制

是年五月以張

浚爲川陝京湖宣撫使置使便宜副置浚治兵於興元以圖中原以端與敵屢角欲仗其威聲承制築壇拜端威武大將軍宣撫司都統制置士備聲如雷劉子羽又薦涇原都監

吳玠及弟玠之才以浚以玠爲統制玠前親兵

庚四年 金天會八年夏正德
四年西遼康國三年

春三月金婁室攻環慶曲端遣涇原統制吳玠拒於

彭原敗績端退屯涇原

婁室陷陝州遂長驅入關攻環慶曲端道吳玠拒之於彭原
店而擁兵邠州為援金人來攻玠擊敗之撤離喝懼而泣婁

室幣軍復戰玠軍敗績端退屯涇州金乘勢焚邠州玠怨端不為援端
謂玠前軍已敗不得不據險以防衝突乃劾玠違節制由是二人有隙

案胡世將吳玠墓志云建炎四年春公攝涇原路馬步軍副總管金人謀取環慶大將軍
婁室以兵數萬出麻務鎮公與戰於彭店原士殊死門殺傷過半敵引去而曲端劾公違

節制坐降武顯大夫罷總管論者不平未幾復故官職改秦鳳路馬步軍副總管鳳翔府
兼權水興軍路經略安撫司公進復長安轉石武大夫忠州防禦使宣撫處置司將合五

路兵與金人決戰公謂宜各守要害以待其敵秋九月師次富平都統制曾諸將議戰公
又曰兵以利動今地勢不利何以戰官據高阜先為不可勝者衆曰戎師數倍又前澤澤

非敵騎所宜不聽既而敵驟至糞土踰渚以薄吾營軍遂大潰而五路悉陷巴蜀大震公
獨整衆保散關之東和尙原植粟給六列糧其上或謂宜屯漢中以安巴蜀公曰敵不可

破我不敢進堅壁重兵以臨之
彼懼吾躡其後保蜀之道也

夏六月兀朮聞張浚在秦安將舉兵北伐

自六合引兵趨陝西

秋九月命秦鳳將關師古領兵赴行在

張浚使都統制劉錫帥涇原等五路之兵與金婁室戰於富平敗績浚退軍秦

州

浚聞兀朮將至檄召涇原劉琦熙河劉錫秦鎡係偃環慶趙哲西經略及吳玠之兵合四十萬人馬七萬匹以錫為統帥迎敵決戰王彥劄子羽吳玠郭浩諫皆不聽遂行次於富平縣婁室引兵驟至進薄諸營劉錫身率士薄敵陣殺獲頗多趙哲軍潰敵乘勝進關陝大震浚時駐邠州督戰既敗退保秦州自是關陝不復論者咎浚之經師失律焉

冬十月命諸將各領兵歸本路浚退保秦州

先是曲端勸浚勿戰浚聽讒下端秦州默至是端故將李彥祺等相繼降金犯

秦州

環慶路統制慕容洧叛附於夏國

張浚富平之敗斬環慶經略使趙哲將統制官慕容洧為環州豪族遂自慶陽叛附夏國乾順納之

十一月金人陷原州

涇原統制張中孚經略司幹辦趙彬叛降金人

金人復陷渭州鎮戎軍

涇原既陷遂取渭州鎮戎軍環慶叛將慕容洧復引金兵陷環慶

張浚退軍興州秦鳳副總管吳玠收餘兵保大散關東和尚原

初浚兵既潰於富平金人以所得陝

西金幣悉歸河東帥府會張忠孚趙彬送款於金人知嘉容洧叛乃遂引兵而西走秦鳳路馬步軍副總管吳玠自鳳翔走保大散關之東和尚原榷環慶經略使孫恂由隴關入秦與浚會金人至渭州得其情實乃入德順軍浚聞敵入入德順遂移司與州藩番輜重悉皆焚棄浚之出師也翰辦公事朝請郎楊晟惇力言其不可浚不從晟惇乃求行邊不隨幕下及是來見浚浚稱以諸事委之晟惇言金人必欲舉川秦然後歸國不若引兵金洋一帶俟敵騎既去然後收復川陝事乃永定浚雖不用其說然正置陝西於度外矣起復朝議大夫知興元府王庶亦來見浚計事力陳保秦之策衆議不同庶請歸持餘服浚之棄解南歸也將士皆散惟親兵千餘人自隨其屬官皆懼有建議當保秦州者參議官劉子羽曰請者可斬也庶使使可過興州一步繫關陝之望安全蜀之心翰辦公事謝昇亦言不當遠去請築青陽潭左右四關六屯浚以爲然乃勅異議者遣子羽單騎至秦州訪諸將所在時敵騎四出道阻不通將士無所歸忽聞子羽在近宣撫使留蜀口乃各引所部來會凡數十萬人軍勢復振浚哀死問傷錄善咎已人心粗安或謂吳玠宜移屯漢中以保巴蜀玠曰敵不破我詎敢輕進吾堅壁重兵下瞰雍甸敵懼吾乘虛襲其後此保蜀良策也諸將乃服時玠在原軍食不繼鳳翔之民感其遺惠相與夜負粟輸之玠亦憐其遠慮悉厚賞以銀帛民人益喜敵怒遣兵伏渭南邀而殺之又令保伍相坐犯者皆死而民益冒禁輸之數年然後止至紹興元年春正月金人掠天水縣徙治翰林承奉郎知縣事趙璧方受買忽敵騎三百突入座上縛璧及統領官雷振主簿張錫以去璧等不屈皆殺之

經略使劉燾退屯瓦亭

案郡國志烏氏縣有瓦亭晉太原十二年苻登與姚萇相持於瓦亭元興初魏主珪遣拓跋遵襲沒奕于於高平沒奕于奔秦州魏軍追至瓦亭而還唐至德元年肅宗幸靈武牧馬於瓦亭元和志瓦亭故關在平高縣南七十里即隴山北陲魏使牛邯守處

慕壽祺曰余遊西湖弔宋鄧王劉武穆錡之墓而遺址不可考矣錡天水人與隴干吳玠吳玠保守西陲以禦金人世所稱為三將軍者也夫以兀朮之數憤數入張俊秦檜之構和罷兵徵三將軍則東南半壁久為胡人芻牧地矣而順昌之捷史稱神奇制勝金人至不敢道姓名錡之功又豈吳氏兄弟所企及耶不意數百年後西湖寺僧以錡為苗劉之

劉寃乎哉

張浚遣吳玠守和尚原以拒金

時金人盡破涇原諸州軍叛將慕容洵復引金兵破

亡人情大沮參軍劉子羽請軍騎至秦州召諸亡將時諸將不知宣使所在聞命大喜悉以衆來會凡十餘萬人軍勢復振子羽因請遣吳玠聚兵和尚原以斷金人來路關師古等聚熙河兵於岷州大潭孫傑買世方等聚涇原兵於階成鳳三州以固蜀口金人知有備遂引去

十二月金人侵熙河副總管劉維輔死之

金人掠熙河惟輔擊敗之殺五千餘人已而復至惟輔願熙河尚有積粟恐金人因

之以守急出焚之為金人所執梓以去惟輔曰死大斬即斬吾頭豈汝梓也願坐上客曰國家不負汝一旦遽降敵耶即閉口不言而死所部亦多不屈被殺

吳玠守和尙原
饋不繼玠料
金必來攻玠
列營於仙華
關右名曰殺
坪移兵守之

案劉惟輔涇州人以同知觀察使為熙河副總管金人既得秦州經略使張深遣惟輔將千騎禦之惟輔留軍熟羊城以十八百騎夜趨新店黎明短兵相接殺傷大當惟輔舞弱刺其先鋒將李華黑鋒洞胸墜馬死敵為奪氣退深檄隨右都護張嚴往追之與曲端期而不至遇伏死惟輔自問道得歸金人追及執惟輔誘之百方終不言金人怒摔以出惟輔死贈昭化軍節度使官子孫十二人立廟成州號忠烈

辛亥 紹興元年 金天會九年正月 春三月金人破和尙原進窺川口抵殺牛坪郭

浩與吳玠大破之 和尙原在陝西寶雞縣西南非隆德之和尙舖

案靜甯州志吳玠字晉卿隨千人薙之兄也少有志節日誦書史凡往事可師者錄置座右用兵決機變化如神以戰功拜檢校少師進開府儀同三司四川宣撫使陝西階成等州皆聽節制駐節成州玠兄弟戮力協心據險抗敵屹然為兩川之保障史云玠玠身當其衝無蜀久矣及卒人思慕之為作廟以祀諡武安號忠烈淳熙中追封為諡王隨干印今靜甯縣舊屬平涼府

金人犯秦州吳玠擊敗之

金人又犯西甯州守臣俱重迎降 時正月庚戌日

中孚 匪事 兩朝 作有 乘其 家乘 之 宜也 善從 長之

張中孚以原州李彥琦以鎮戎軍叛降金

時正月 壬子日

案張中孚原州鎮戎人父選仕宋至太師封慶國公金國太原戰歿於軍中孚涕泣率部曲十餘人入大軍中竟得父尸以還後降金睿宗以為鎮洮軍節度使知渭州劉豫括民田籍丁壯為軍中孚竟執不從涇原獨免括克之患後拜參知政事遷尙書左丞相封南陽郡王

辛酉金人再圍環州

丁丑李永琦叛犯慶陽府

劉豫旌改慶陽府為慶州以趙彬守之

二月金人至德順軍

即靜甯縣

經略使劉錫道

金人以兵少不敢由秦亭聲言分三道而獨出沿邊以掠熙河熙河素多馬金人駐兵搜

取無遺馬步軍副總管中亮大夫同州觀察使劉惟輔已為金人所執不屈被殺所部第六將韓青者簡行從惟輔為敵所得亦罵敵不降而死知蘭州龔谷寨高子儒聞惟輔尚存固守以待及城破先刃其家而後死子孺狄道人也金人既略熙河地遂引歸李彥琦在古原州張中孚及其弟中彥導金人劫降之五路破秦鳳經略使孫渥收本路兵保鳳州統領官關師古收熙河兵保鞏州於是金人盡得關中地

案靜甯州舊志德順廢軍在州東宋置九域志德順軍慶歷三年以渭州隴干城置通考德順軍漢蕃互市之地在六盤山外金皇統二年升為州元省清為州今改縣

案降將副都統張中彥本陝西兵官故常事曲端端亦鎮戎人所謂威武將軍者也中彥兄中孚尤兇狡禍敵紹興初任陝西路統制見同列進用素厭望會金將雅蘇犯邊將至熙中學即挾叛志中彥與相諧附即進曰我欲驪州吏北投州吏肯從我乎中學曰兵權在我欲驪州吏如驪犬豕耳獨餘李三行行未知其意如何汝可呼之入李三者乃統領官李彥琦也爲人尤惡戾喜鬪以故中學畏之至是因呼果來中學即閉關仗劍於門脅之曰汝欲不齒吾劍不若聽吾令不然今不得活彥琦曰統制何以命之中學曰人生共覓富貴豈問南北乎當與汝徑去李亦唯從命後數日遂驛官吏陷敵地同時有卒二者熙河大將端部曲也既陷敵復歸西夏當權用事以謀叛爲夏人誅死牟常頂金冠邊將畏之謂之金冠牟二云

又案宋史關隴既失守節死義非僅劉惟輔一人金人破隴州守朝請郎知州事劉化源不肯降敵使人守之不得死遂驅入河北販賣蔬果隱匿民間者十年終不屈辱奉議郎通叛原州米瑛亦杜門謝病不受污瑛化源世家耀州西人皆敬之金人入鳳翔瑛郎權知扶風縣廉傑與敵將言戰言愛而欲招之傑奮曰吾當死於陣不然死於敵遂戰死忠翊郎知天興縣李仲爲金人所圍堅守不下城既破仲曰豈使敵殺我遂自殺時虜陽府圍急成忠郎大受欲會合軍民收復邠甯二州解慶陽之圍爲人所告送甯州論死敦武郎秦州定西寨都監兼知寨鄭消爲金人所攻相背而戰及城破自刺不死金人高其節亦弗害也是時守令城下者金人皆因而命之文林郎知彭陽縣李詰獨不降與其民移治境上令人令執之以獻欲官之凡三辭其後金人以爲歸附命爲儒林郎詰言於所司曰元係捕獲不敢受歸附之賞以其隸還之又武功大夫知環州安寨田敢者嘗得

太祖御容欲問行南歸以獻事淮杖之死其後武功大夫秦鳳路兵馬都監劉宣以蠟書密遣人與吳玠相結且率金將任拱等以所部歸朝約日已定有告之者金人取宣縷擊之其家屬配曹州劉豫又升滑州為平涼府去慶陽延安府名復舊州名即以叛將張中孚守平涼府中彥守秦州趙彬守慶州慕容洧守環州案李心博陝西全陷不見本月日用兵錄所書紹興元年三月事猶未詳盡宋史熙河副總管劉惟輔之死則在紹興元年二月當時士大夫守節死義者甚眾蓋金史天會九年正月宗弼阿里布破鞏河蘭廓積石西甯諸州三月又破階州張鈞編忠義錄紹興元年三月九日金人大軍回自熙河則六路盡失在二月間鈞所書者則據官撫使案牘時日稍遲愚既攻其日月又恐死義者之湮沒無聞也并附於此月之後

三月乙卯金人破階州遂侵成州

金人既盡有涇原熙河二路至是破福津鞏同谷以迫興州張浚退保閬州而以張浚為四川制置使與

劉子羽趙益昌王庶為利夔制置使節制陝西諸路知興元府

案一統志福津縣名西魏置原名覆津故城在今甘肅階州同谷本元魏南秦州地西魏曰成州唐天寶初改同谷郡寶應元年沒吐蕃貞元五年於同谷之西境泥功山權置行州咸通七年復置治寶井堡後徙治同谷領縣三宋為成州同谷郡元仍為成州明降為縣今因之

金師還自熙河至弓門寨巡檢王琦禦之

金人至弓門寨立招降旗榜改阜昌年號衆皆拜王琦獨不屈金知平涼府張中孚

弓門一作金門
昔河關字異耳

今圖圖第一名
環津

執而殺之

案恭門鎮在清水縣北七十里秦昭王所築命白起鎮之宋改爲寨今爲鎮又弓門砦太平興國中築在赤城川東坡上領小砦五

墓壽祺曰宋太祖受命時首寢韓通故其後臣下頗知死節變後五代之俗建炎中王琦以弓門砦巡檢殺身成仁可謂烈矣

夏四月乙亥階州統領杜肇復階州

西魏武州唐改曰階州未因之

五月金人犯和尚原吳玠擊敗之

丙午叛將趙彬及金人合兵圍慶陽府守臣楊可昇擊敗之

趙彬倒戈後復引金人圍慶陽不復知天

地間尙有差恥事

六月癸巳熙河統制關師古洮東安撫郭玠同討熙州叛兵連敗之

張浚表吳玠爲陝西諸路都統制階成等州悉聽節制

先是三月忠州防禦使秦鳳經略使吳玠及金人烏

魯折合戰於和尚原之北敗之時金主之從姪沒立與烏魯折合以數萬騎分兩道西侵沒立自鳳翔二將由階成約日會和尚原玠與其弟統領官武翼郎閻門官贊舍人璘以

散卒數千人駐原上朝問隔絕軍儲匱乏將士家屬往往留敵人無固志有謀劫玠兄弟
 北去者幕客陳述猷夜入告玠遽召諸將勸以忠義歃血而誓諸將感泣為備益力是日
 二將以勁騎先期而至陳於原北玠擊之四戰皆捷山谷中路狹而多石馬不能行敵棄
 馬遂敗去後三日沒立自攻箭當關玠遣別將擊之二軍卒不得合又五日敵移寨黃牛
 嶺會大風雨雪翌日引去張浚錄其功至是承制以玠為明州觀察使璘為武德大夫康
 州團練使賜金帶擢秦鳳路兵馬都鈐轄節制和尙原軍馬時關隴盡陷於金所餘成階
 岷鳳洮五州及和尙原方山二原而已玠以成州
 為駐節地從此與金相抗不敢復過雷池一步矣
 案徽縣志縣西北四十里與成縣接界處亦有方山而宋楊政所守之方山原則在陝西
 鳳翔府隴州西南二百里晉隆安初武都氐屠飛啖鐵等叛據方山亦此地紹興十一年
 割地畀金人金人求商州及和尙方山二原許之
 於是以大散關為界則方山原之在隴州審矣

秋八月詔夏國歷日自今更不頒賜
自兵交以來夏雖未修職貢宋猶歲頒曆日至是帝始詔以夏本教國毋復頒曆日

張浚毅前威武大將軍曲端
先是浚使張彬至渭州謂端曰婁室以孤軍深入吾境我合諸路攻之不難端曰彼將士精銳且因糧於我我今反

為客未可勝也若按兵據險時出偏師以擾其耕穫彼不得耕穫必取糧河東則我為主
 矣如此一二年彼必困斃乃可圖也萬一輕舉後憂方大彬還浚不然之及兀朮留江淮
 浚議出師撓之端謂宜訓兵秣馬不宜妄舉浚疑端有異志遂罷其兵柄至是敗於富平
 乃思端言召之還稍遷其官將復用之吳玠憾端因言端再起必不利於公王庶又從而

趙晉曲端之死
可謂冤獄本無
辜也張浚任意
殺戮致屠楊表
高宗亦不能無
疑後徵浚還京

浚殺曲端
才也秦檜殺岳
忠武進君也心
各有為其誤國
則一也

白石鎮在秦州
清水縣西北亦
名白石堡

問之浚乃撫端詩涉譏誚送端於秦州獄使司獄康隨
殺之陝西士大夫莫不痛惜之軍士恨恨有叛去者

案曲端有馬名鐵象日馳四百里愛之甚於子息部下有康隨者嘗以事忤端輒其背遂
深憾端及端在秦州獄張浚以臨提點夔州路刑獄端聞之曰吾其死矣呼天者數聲呼

鐵象可惜者復數聲既
死不旬日鐵象亦死矣

幕壽祺曰曲端之死張浚殺之而實吳玠殺之也玠德順軍人端鎮戎軍人同隸隴東玠
初起兵涇原以端長於兵略且貞時舉乃與之招漢民潰卒捍賊所過人供糧結道不拾
遺猛士如林中軍敵野每戰必先占高原必勝之地未嘗敗衄賊稍北退守河東不敢喻
河飲馬豈非可共患難者耶至是浚聽玠之讒言而置端於死胡虜未滅自隴東鼓與秦

槍之害岳忠
武何以異乎

冬十月吳玠擊金將烏魯折合破之
金將烏魯折合自階成出散關約日
會和尚原吳玠縱兵應擊大破之

偽齊秦鳳經略使郭振以數千騎掠白石鎮關師古王彥併兵大敗之
是役也武
節大九

門官贊舍人宣撫司選鋒將王彥與熙河統制官關師古并力擊
之賊大敗振為官軍所獲遂復秦州張浚承制以彥為秦州刺史

案史欽宗靖康元年丙午二年初二日金人圍汴城三月初二日金人北去十一月十九
日粘罕元帥再圍京城二十五日京城陷金人入城二十六日粘罕遣使入城求兩宮幸

彼營議和割地事二年正月十一日粘罕遣使人城請帝車駕詣軍前議事二月十一日車駕出城幸彼營十七日帝還宮三月初三日再幸彼營次早帝見太上皇亦至彼初四日至十五皇族后妃諸王陸續到營十六日粘罕令以青袍易帝服以常人文服易二后服侍衛番奴以男女呼帝十七日金以張邦昌為帝國號大楚十八日上皇及帝二后乘馬北行高宗建炎四年秋七月金將立劉豫徒二帝於五國城九月立豫為齊帝豫即位都大名府改明年為阜昌元年已而金粘罕盡得關中地悉與偽齊止餘甘肅階成岷鳳洮五郡及陝西鳳翔之和尙原隴州之方山原猶為宋之疆上故劉豫以郭振為秦鳳略使

乙亥起復明州觀察使陝西諸路都統制秦鳳路經略使吳玠及金人戰於和

尙原大敗之

初金陝西都統洛索卒宗弼遂會諸道兵數萬謀西入官蓋處置使張浚命玠先據鳳翔之和尙原以侍之宗弼造浮梁於寶雞縣渡渭攻原玠及

其弟秦鳳兵馬都鈴轄率統制官雷仲等選勁弓強弩與戰分番迭射號駐隊矢接發不絕且繁密如雨金人稍卻則以奇兵邀擊斷其糧道凡三日是夜大破之俘誠首領及甲兵以萬計宗弼中流矢二僅以身免得其醜於是浚承制以玠為鎮西軍節度使璘慶州團練使涇原路馬步軍副總管是役也玠所部全軍轉五官賞而胡請郎通判鳳翔府兼經略使主管機宜文字陳遠猷亦遷朝散大夫直祕閣秉義郎閤門宣贊舍人王喜遠左武大夫威州刺史宣撫司統領軍馬喜滿城人靖康初金人攻京師陝右大震喜壯士十八人不旬日附者甚衆喜為立保伍法於常樂鎮營建寨柵號王萬年王庶為節制使奏授成忠郎已乃率所部歸玠玠用為秦州兵馬鈴轄改知同州至是以奇功遂驟進

王彥漢立奇功
是光復秦州
張浚承嗣以秦
節制南號陝西
州軍馬

宗弼自河東還燕山左副元帥宗翰留宗弼在軍中更以
陝西副完顏景為陝西經略使將兵屯鳳翔府與玠相持

王之望西事記曰吳玠以一軍見據和尙原全屢攻之不克大破金人殺其大帥人多疑
其不實夫吳玠之勝四太子之敗固未可知然金若不敗則今無四川矣余案金史云宗
弼與宋吳玠戰於和尙原敗績其確證矣又張浚行狀云尼堪在陝西時病篤召諸大
帥謂曰吾自入中國來未嘗有敗壞吾鋒者獨張樞密與我抗我在猶不能取蜀爾曹宜
悉此意當務自保而已為珠出惡口是謂我不能也尼堪死即合兵
來傳攷命史此時尼堪力持兵柄死者洛索也行狀多節詞不足據

十一月關師古敗為齊兵於抹邦山抹邦山在狄道州南三十里熙甯五年王韶引兵破羌於此

前知廓州李惟德以岷州來歸吳玠始遣人通書夏國廓州即今樂都縣屬青海省

十二月經略使關師古復熙州熙故狄道州治故鞏昌府也時隴南為金人所據金以劉豫反略西北豫遣將郭振至鞏秦王彥敗振於白石

鎮復秦州振益兵再至遇於通渭之鷄川大敗彥追至隴狼
川斬首三千級各郡皆來應至是遂復鞏鞏隴人差為吐氣

隋州安撫孫注復洮州今之臨潭縣舊為洮州屬鞏昌府

知龍州范綜統制雷仲舉兵復水洛城己丑起復陝西都統制吳玠為鎮西軍

節度使 龍州即四川龍安府所屬有江油石泉等縣本漢之陰平

壬二年 金天會十年夏正德六年西遼康國六年 春正月庚子陝西叛將白常圍岷州關師古率兵破

白常始謀攻岷終不肯仕金是寫與為善者也

之 後至紹興十五年偽書來徵在南將士王四小巢白常三人俱在遺中王曾任南總管巢亦位將領兩人至金即為效力獨常不肯仕曰丈夫死則死耳不能為反覈士

每自樹頭銜曰前熙河安撫使白某薩哈見之不悅也後欲強官之竟託疾以免常有治產在德順熙河金之守將黑之大嘗曰豈有既臣我家而尚稱宋官乎枷禁數十日不為

屈又欲蕩其產薩哈憐而釋之

二月金人陷慶陽府執楊可昇降之

三月庚子金人攻方山原陝西統制楊政援之金兵引去

金人又犯隴安縣吳璘等擊走之

吳玠以宣撫使司都統制戍河池 宋之河池即今徽縣

金人復自水洛城來攻楊政等又敗之 水洛城在今靜甯縣東南靜甯在宋時號德順軍現為金人所據

降之者金人強之使降也非楊可昇之本意

案九域志水洛廢縣在德順軍西南一百里水經注犢奴川水經水洛亭南宋范仲淹曰朝那之西秦亭之東有水洛城鄭戩曰水洛城西占隴坻通秦州往來之路隴之二水環城西流繞帶滑河川中七沃廣數百里又有水輪鉛銅之利慶歷三年劉滬密使王鐸斯那內附戩即遣滬築之以捍西夏金升爲縣屬德順州元併入隴干縣

夏五月以吳玠爲利州路階成鳳州制置使

六月賞吳玠關師古將士

秋九月吳勝克蓮花城

案蓮花古城在今隆德縣南四十里距靜甯甚近宋仁宗慶歷二年秋閏九月元昊攻寧夏川砦葛懷敏戰沒韓質等領軍三千保蓮花堡明年經略使鄭戩行邊至鎮戎軍趣蓮花堡天寒與將佐置酒其地在隆德縣西南亦名蓮花城吳勝所克復者當不外此兩處今秦安縣所屬之蓮花城亦與靜甯隆德接界

冬十二月金人犯熙秦關師古擊敗之

金人犯和尚原將士乏食自潰吳玠拔砦棄去時百姓饑餓道路斷隔委輸不至遂棄和尚原

癸丑三年金天會十一年夏正德七年西遼康國七年春正月金主遣李彥琪駐秦州晚仙入關以綴吳

南渡偏安僅係徽成時代 宋高宗

蘭州校華印書館出版

汾河池之師復遣游騎出熙河以綴關師古金人久窺蜀以吳玠駐兵和尙原扼其衝不得逞將出奇取之故遣兵以

綴

二月吳玠自河池退屯仙人關先是金人欲窺蜀遣李彥琪駐兵秦州以綴吳玠之師至是敵將撒萬昂克饒風關入興元玠始退屯仙人關

三月以王似為資政殿學士川陝宣撫使盧法原為端明殿學士與吳玠並充

副使

四月吳玠敗金兵復秦鳳隴州

王師因糧於敵大軍既下秦隴凡山西陝塞積粟膏聚其衆謀者云敵意不在小本學是餉軍且來窺蜀也及屢敗秦州臘家城得糧約十八萬石浮休寨約五千

石小石寨約二萬石戚姬寨約二萬石水洛約一萬石其他千百石往往而在前後共三十五萬石故官軍所至沛然殆非人力也

十一月吳玠遣統制楊從儀等率兵敗金人於臘家城十二月遂破之是歲金薩里干

欲假道仙人關入蜀兵至上營田楊政夜斫其營金兵遁追至河池而還

是時定... 州... 之... 人...

吳玠屯仙人關關師古屯武都

時金破和尚原宣撫使因分屯之

案宋史張浚恐金人據陝窺蜀則東南不可保請置幕府秦州及富平戰敗關中六路皆潰惟餘階成岷鳳洮五州而已浚退保興州召吳玠聚兵和尚原斷金人來路關師古聚

熙河兵守岷州大潭孫偓等聚洮原鳳州兵於階成鳳三州以固蜀口繼又分陝西地洮岷至階成關師古主之屯武都秦鳳至洋州吳玠主之屯仙人關

案大潭廢縣在今禮縣南八十里隋志漢陽郡有潭水縣西魏置潭水郡後周郡廢併廢甘若相山武定三縣入焉唐屬成州貞觀初改屬宕州廣德中省入良恭縣宋乾德元年

合良恭大潭二鎮置大潭縣於上水竹谷屬秦州後改屬岷州宋末廢

璘璣其子挺抱金保蜀之所也雙崖對峙一水中分畏途隘於劍門殘壘倚於鐵壁江流石轉鳴咽筋鼓之聲雨若血斑滲淡旌旗之色弟兄父子崎嶇百戰之場蜀漢隴秦維繫

一隅之運動名方駕於韓岳精氣震盪乎山河清乾隆時秦安縣知縣牛運震卜地學宮之右創祠城邑之中祀信浩二王配以楊姚諸將歲月屢遷滄桑改變祠已殘破不堪矣予瞻望英風訪尋遺趾猶徘徊不忍去云

金黃頭生女真叛與師討之黃頭生女真髮皆黃目情多綠皆山居疑卽黃頭室韋也又號合蘇館女真其人魁傑勇健不能別死生金人每

出戰皆被以重札令前驅謂之硬軍後役之益苛糜給既少遇鹵掠所得復奪之不勝忿天會十一年遂叛與師討之但守退山下不敢登其巢穴釋二年出關而敗復降

...

案合蘇館河西亦有之有人館在黃河東宋時皆屬金人與金粟城五花城隔河相近二城八館舊屬契丹今屬夏人金人約以兵取關中以二城八館報之後背約再取八館而三城在河西屬爭不得其一城忘其名

甲寅四年 金天會十一年夏正德八年西遼康國八年

春正月金人犯宕昌臨江寨及花石峽關師古遣

統領劉毅分兵拒之

秦州觀察使熙河蘭廓路馬步兵總管關師古叛降偽齊

時師古自武都率選鋒軍統制李進前軍統制

戴鉞求糧於偽地囊大潭縣掩竹谷城叛將慕容清拔寨過去師古深入至左要嶺遇敵兵與戰大敗師古旋師大潭內懷慚懼卑騎降於豫自此失洮岷之地但餘階成而已

二月辛丑金左都監宗弼自寶鷄侵仙人關

先是金既得和尚原利州路制置使吳玠度金人必深入且其地去蜀遠乃預

治壘於關側號殺金坪嚴兵以待玠弟秦鳳副都總管璘在階州移書言殺金坪之地去原尚遠前陳嚴漫有益治第二隘示必死戰則可取勝至是宗弼果與其陝西經略使完顏果齊四川招撫使劉夔率十萬騎並進自鐵山擊崖開道趣仙人關既至據高嶺為營循嶺東下直攻南軍玠自以萬人當其前璘率輕兵由七方關倍道而至轉運凡七日盡夜不怠統制官郭震為宗弼所襲破其寨南軍累敗玠斬震以徇金人復攻之

此詩氣象開拓
層文分明
山之險亦波毫
歌拾遺矣

案仙人關在徽縣西南六十里與漢中府鳳縣接界宋吳玠吳玘敗金人處明楊一清詩
樹外蒼雲雲外山數間茅屋又無椽旁人指點雲深處此是仙人不老關清胡鈇詩石勢
倚雲屯將軍鎮蜀門弟兄同角特夷夏割乾坤雨
洗雙崖血風招百戰魂更來千仞上立馬望中原

附伍福過鐵山詩云曉發河池郡即今徽縣日薄風色寒霜乾馬蹄疾步步躋層

巒崎嶇邊澗谷鳥道多折盤危橋架懸崖深溝瀉飛湍登眺六十里巖險千

萬般行行至絕頂積雪駭奇觀鐵山古所稱壁立出雲端仰接霄漢近俯視

輿圖寬屏障扼劍閣形勝壯秦關衆山在其下勢絕逸可攀伊昔宋良將指吳

玠吳玘兩弟兄義烈何桓桓虬賊會藉此舊壘榛莽間喜戰貴得地孰謂兵法難經

過感遺跡拊膺每長歎揮毫挹靈秀題詩刻孱顏

三月庚寅金人犯兩當縣兩當居嘉陵江上游在隴南之極南

案一統志兩當縣本漢故道縣地以兩當水得名後魏析置兩當縣又置兩當郡隋開皇
初郡廢縣屬鳳州唐宋因之元初屬南鳳州至元七年屬徽州清雍正七年改屬秦州其

故城在今兩當縣東三十里

吳玠吳玘與金烏珠戰於仙人關大敗之

玠玘圍轉戰七晝夜始得與玠會於仙人關金人首攻玠營擊走之又以雲梯攻壘

壁楊政以撞竿碎其梯以長矛刺之諸將有請別擇地以守者玠拔刀畫地謂諸將曰死則死此退者斬金軍分爲二烏珠陣於東韓常陣於西玠率銳卒介其間右繞左縈隨急而後戰戰久玠軍少憊急屯第二隘金生兵踵至人被重鎧鉤相連魚貫而上玠以駐隊矢迭射矢下如雨死者層積金軍踐而登薩里干駐馬四視曰吾得之矣翼日命攻西北樓姚仲登樓酣戰樓傾以帛爲繩挽之復正金人用火攻樓仲以酒缶撲之玠即遣統領田晟以長刀大斧左右擊明炬四山震鼓動地明日大出兵統領王喜王武率銳士分紫白旗入金營金陣亂奮擊射韓常中左目金人始宵遁玠遣統領官張彥擊山砦王浚伏河池扼其歸路又敗之是役也烏珠以下皆攜妻孥來劉夔乃劉豫腹心本蜀人可圖既不得逞度玠終不可犯乃還據鳳翔投甲士田爲久留計自是不輕動矣

丙子以關師古爲熙河蘭廓路安撫制置使

招之欲其歸也

冬十月壬辰以吳玠爲熙河蘭廓路經略安撫使知熙州

鳳路馬步兵副都總管

知秦州兼節制階文州統制軍馬吳玠爲熙河蘭廓路經略安撫使知熙州統制關外軍馬明州觀察使環慶路馬步軍副都總管兼知慶陽府楊政爲環慶路經略安撫使知慶

陽府同統制關外軍馬兼節制成鳳興州用宣撫使奏也關師古之叛也其所部陪文二州猶在故命璘分領之自富平敗後五路之地悉屬為齊經略使虛名而已

副將鄭宗招撫臨洮下之

宗西人也為副將與馬仲希聯成岷宕間撫司令攜旗勝招臨洮守將其守趙鈐轄者悉蕃漢情宗初至城下張旗勝大

呼曰金政亂天意回矣鈐轄何不下與諸將共取富貴今臨洮兵少糧少鈐轄執迷不返悔無及矣趙即率吏民夜開門拜道左及官軍下鞏宗亦在中諸吏方受降列飲城外宗

請先入籍兵仗封府庫以待諸將會敵援騎大至宗聞之跨鞍不甲而馳舞稍自衛敵衆喧咽宗急守門不聽出忽飛矢貫脅宗即死至今洮岷民衆共惜之

乙卯五年

金天會十二年夏大德元年西遼康國九年

春二月吳玠復秦州

吳玠聞金侵淮南遣吳玠楊政乘機牽制等出奇兵自天水至秦

州拔其城薩里干聞秦州被圍集諸道兵來援政復擊敗之

閏二月金人欲反攻秦州宣撫使吳玠遣部將牛皓伺之

皓遇金將撒離曷於瓦吾谷戰死

夏五月夏歸孝子程俊母邵氏

俊會州人幼時父母陷於夏國常號泣自毀迨長捐家財數十萬往贖未至北向號泣寢食俱廢夏人感動還

其母邵氏俊日夕承順奉養備至鄉里稱為至孝

慕壽祺曰西夏以河內外數州之地而抗三大國日從事於戰爭綱常名教不暇計矣而邵氏之歸樂叙天倫俾聞風者羣相告語下至童子亦知三綱五常為生人之道是皆元

吳修孔子廟所鼓勵以至於今者也夫西夏介在戎夷猶能以孝教其國人馴夫地大於西夏數十倍文化先於西夏又數千年今值鼎革之秋士大夫轉移風化富於根本上求之乃以孝為報酬品甚至以孝為萬惡首嗟呼人心至此尚何言哉尚何言哉

冬十二月川陝宣撫使吳玠遣裨將馬仲希攻熙州鄭宗李進攻鞏州不克獨

鄭宗死城下仲希遁還玠斬以徇

大軍再攻鞏州礮幾百餘座衝梯知之城中亦回礮不息或引一人以下諸將問之云城中危甚勢且不

敵太尉且暮決力當得之矣又問有蕃兵幾何簽軍幾何曰城中甲軍不過千五百食糧軍亦不過千五百蒙重者亦不過千百餘皆編戶也又有機來降者一入問之其辭皆合乃命馬仲希等取熙鞏仲希者宕昌屯駐將也為人妄庸都統司命仲希進兵先取熙州仲希得檄即氣索不得已進營熙州城外十數里或為敵將謀曰吾知仲希妄人耳且暗兵事此易撓也即遣間言曰北軍今夕當大至眾共劫營南兵之來眾寡何似北軍其能敵乎仲希聞之昏時拔營遁去初熙州父老聞官軍至有欲率眾歸附者心大喜及翌日仲希去皆大笑仲希既去熙傍復無所適聞諸將將下鞏乃引兵來會時鄭宗李進榮某等已誘敵將龍虎方纘拜降城下龍虎者故大將冷沙子也以父死事金主貴而增之令以兵守鞏龍虎自度力不支使人來言曰我降諸將諸將好受我降當以酒殺相饋何甲也願盡釋我出與公列飲城外仲希諸人許諾李進不肯曰誠偽未可知且吾遣人候城中城中夾道積錢安知不吾詐也吾不願飲龍虎出諸將長揖環坐進密裒甲以待少選敵援騎四至龍虎欲起據鞍蘭州歸明將王宏曰事急矣何不遂取此鈴轄榮

官軍攻秋運軍不克

馬仲希所遣諸將
吳玠遣玠以合
諸軍宜戰

李遠勇悍與士
李遠甘許國
李遠

某從後研之不殊宏繼刺之騎士張玘斷其首坐者皆鳥獸散獨鄭宗死城下久之宣司
以仲希再失二郡機會梟首以令諸軍先是二月間招討司一日攻蒙有父老數十輩各
具米糲糞以餉軍至軍門曰我曹聞大軍來幸甚過望小民自度無所用力願犒從者大
將納其饋積餉物軍門如丘後數日城危拔矣官軍忽引去父老狼狽相謂曰金今覺我
餉南軍我無類矣不如作計求活也即殺
官軍後兵益重者數級並焚餉物而去

案九華錄云蕃軍統領李進在洮河間或間出遇敵數十騎顧曰汝還識是人否是所謂
茶李三者也令驍騎四人突前直刺進進刃三人挾一人以返進所至與士卒下列同甘
苦故人樂為用然出軍多避就不首為軍鋒之冠將士
多讖之進長於行日二百里不殆邊人號為鐵腳雞云

丙六年 金天會十四年夏大德二年 秋七月夏人取樂州復取西甯州
夏國乳酪河與二州相近乾順

遺兵襲取樂州進攻西甯保塞
綏邊諸砦俱潰守將棄城遁

案樂州即今樂都縣清為碾伯縣宋元符初收復置湟州宣和初改名西甯州即今青海
省治崇甯三年改故鄯州置局熙河路保塞砦在西甯州南保敦谷綏邊砦在西甯州東

北舊名宗谷
後俱入西夏

又按會甯縣東三十五里有西甯州古城先是宋經略章燾築三城於會州境俗名連城
金置西甯縣屬秦州官宗貞祐四年升為州伏羌之甘谷秦安之雞川均屬焉事在紹興

以後

丁七年 金天會十五年夏大德三年西遼咸清三年 春正月西蕃趙繼忠來歸 繼忠吐蕃瞎征子初名黃台神宗時與兄木征以洮河降

賜姓名授六宅副使西蕃二十八族大首領梁乙通與中國構難遣兵脅降之遂為役屬至是因西川宣撫使請內附夏國遂失右臂

戊八年 金天春元年夏大德四年西遼咸清三年 春正月與金和樓炤承制以楊政為熙河經略使吳

玠為秦鳳經略使 仍並聽四州宣撫使節制郭浩為驛延經略使同節制陝西軍馬丙子分宣撫司兵四萬人出屯熙秦六千人隸郭浩留吳玠精兵二萬人屯

興元府興洋二州

夏五月夏更積石州為祈安城 積石蕃族強悍夏主乾順以兵威脅之諸部皆服因更其城名祈安至孝宗乾道五年秋夏築祈安城金遣使

前往按視

案積石州即今循化縣在西甯州東南二百八十里金大定中升為州其故城在循化之西餘見第九卷大觀二年夏五月童貫復積石軍及第十一卷嘉定十六年秋七月夏人

攻金積石州注

九月命遷延秦鳳熙河路招納蕃部熟戶及陷沒夏國軍民

已九年金天眷二年夏大德五年西遼咸清四年春正月己巳劉光世為陝西宣撫使吳玠為四州宣

撫使內陝西路階成等州聽玠節制如舊命內侍賈告以賜帝因光世除命論輔臣曰河南新復境土所命守城專在捐

循遣民勸課農桑各節使因其地以食因其人以守不可移東南之財力慮內以事外也

二月金慕容洵攻環州詔陞右都護劉錡救之是年春正月熙河經略使慕容洵拔洵在熙河十餘年驍勇得衆屢為邊

患及金人歸陝西地洵歎曰吾何面目見朝廷棄熙河去居西夏青唐兩界之間有衆數千至是又攻環州劉錡率兵援之洵敗去其衆多降秦檜言陝西無事實為慶幸然洵實

不
死

金慕容洵復降夏洵入金仕至熙河經略使及金人與中國議和歸陝西河南地洵以官守隨例當留關中洵懼誅謀潛師襲取關陝涇原路經略使張中彥與

環慶趙彬合兵聲討洵兵敗亡入夏國乾順遂納之授以官

案慕容氏高辛少子居東北夷後徙遼西號鮮卑國於昌黎棘城至涉歸為鮮卑于自云慕二儀之德繼三光之容或云冠步搖音訛為慕容初慕容氏破後種族仍繁後魏天賜

末頗忌而誅之時有免者皆以與為氏延昌末詔復舊姓而其子女先入掖庭者猶號慕容多於他族宋元豐登科配有慕容彥達又有慕輿氏即鮮卑慕容氏音訛為慕輿前燕錄有將軍慕輿虎領軍慕輿根御史中丞慕輿千司徒慕輿拔虎生常侍中穆陵公居昌黎後魏吐谷渾主有慕利延者與慕容氏同祖明洪武初去容字單稱慕

夏四月癸丑環慶經略使趙彬言已殺叛將慕容洎其部曲多降 先是九年

夏五月薊延故將李世輔自夏來歸 先是紹興八年薊延故將李世輔誘執金撤萬喝來歸金人追及之及奔夏具言父母妻子之亡泣

請二十萬人生擒撤萬喝取陝西五路歸於夏夏主曰爾能立功則不斬兵時有酋豪號青面夜叉者久為夏國患授世輔三千騎擒之乃出兵以其臣王樞噤叱監之世輔至延安總管趙惟清大呼曰薊延今復歸朝已有赦書世輔取赦文觀之因以大哭以舊部八百餘騎拒王樞噤叱鐵鴿子軍殺死萬衆獲馬四萬匹揭榜招兵每得一人予馬一匹旬日間得驍勇少壯者萬人乃擒害其父母弟姪者斬於東市行至薊延吳玠撫之送於朝詔以為前軍都統制世輔乃率部下三千騎南來帝撫勞再三賜名顯忠

六月己巳開府儀同三司贈少師吳玠薨於軍 是年春三月玠以寢疾奏乞謝事上惻然憂之命四川安撫制置使成都

守臣胡世將訪善醫治疾又馳國醫往視公以六月己巳薨於軍享年四十有七月遣表聞上震悼輟朝二日贈玠少師凡卹典悉加厚其弟璘與諸孤奉喪歸葬於德順軍水

洛城北原
先塋之次

秋七月壬辰以楊政爲熙河蘭鞏路經略安撫使兼右護軍都統制節制階岷

文龍等州吳璘爲秦鳳路經略安撫使兼知秦州

案楊政字直夫原州臨涇人崇甯三年夏人舉國大入父忠戰沒政甫七歲哀號如成人其母奇之曰孝於親者必忠於君此兒其大吾門乎官和未應募爲弓箭手靖康初因拒夏人稍知名建炎間從吳玠擊金人九戰九捷累功至武顯郎紹興元年春金人趨利尙原又攻箭箐關政引兵大破之斃千戶一酋長二遷右武大夫十月金兵大集號十萬自寶雞列旆至原下夏人與玠相持累日政統領將兵迎敵口數十合士卒無不以一當百復出奇兵斷其糧道玠曰此擊之機萬戶及首領三百餘人甲士八百六十人拜恭州刺史時有嫉政者以母妻尙留北境不宜屬以兵權玠不聽政益感奮至是爲熙河蘭鞏路經略安撫使

時陝西新復永興涇原環慶三路爲官張中孚趙彬張中彥爲師熙河慕容洵叛鄜延關師古入朝秦鳳無帥樓炤以便官命浩等分鎮三路於是炤欲盡移川口諸軍於陝西璘曰敵反覆難信懼有它變今我移軍陝右蜀口空虛敵若自南山搏蜀要我陝右軍則我不戰自屈矣當且依山爲屯控守要害速敵情見力疲絲漸可進據絲是璘政二軍獨屯內地時已命張中孚節制陝西諸路軍馬故以浩副焉紹興九年九月涇原路經略安撫使張中孚言邊隅無警望許臣入覲闕庭詔俟春煖起發旣而秦鳳等路提點刑獄公事宋萬年遺川陝宣撫使胡世將書言昨頒降新復河南詔書張中孚等初不曾拜卻將全國詔書宣讀百姓見詔書上有本朝廟諱御名皆不忍聞萬年昨密問吳璘萬一兵復渡

河如何措畫璘謂中孚等重兵在手為秦鳳腹脅之患內外相應必來搆虛我軍既守家計安能遠出接見以此見中孚等陰藏吞謀所繫非輕世將即具以聞且言臣昨論奏逐人罪惡以謂朝廷力守信誓不欲遽易帥守然中孚等並已降指揮許令入覲欲望因其自請別與差遣於是中孚等皆改命

冬十一月以吳璘為龍神衛四廂都指揮使

上念吳玠已薨詔有司賜錢三十萬又命其弟璘為龍神衛四廂都指揮使以

慰卹其家

庚申十年

金天眷二年夏大曆元年西遼咸清五年

夏五月金人犯涇州經略使田晟破走之

守臣曲汲棄城走經略使

田晟率兵來救撤離喝與吳玠楊政夾渭河而陣玠住兵大蟲嶺撤離喝規之乃引去趨邠州田晟遣將拒之於青谿嶺胡田將分道而出屢戰敗之撤離喝退屯鳳翔既而復出

攻涇州田晟據山為陣奮兵擊敗之奪其兵馬甚多虜遂引去

案宋史初金人之渡河也利州路經略使楊政尙在鞏州永興經略使郭浩尙在鄜延環慶經略使范宗尙在金州而主管鄜延經略司公事王彥亦未至其地惟熙河經略使兼宣撫使司參謀官孫渥右護軍都統制兼秦鳳經略使吳玠隨世將在河池世將倉皇召諸帥議出師政晟先至渥進曰河池地平無險阻敵騎已迫鳳翔自大散關疾驅一二日可至帳下頃吳公宣撫偶闕兵至河池幾為敵擒其事不遠願公去此治兵仙人原原去河池纔五六十里而殺金坪家計寨天險足恃元戎身處危地而欲號令將師使用赴敵

渥不識也獨抗聲言曰和尚原殺金坪之戰方易兄弟出萬死破敵時承宣在何許今出此懦語沮軍可斬也右護軍強半隔限在陝西未易呼集敵來日夜思戰今聞宣撫舍河池去保山寨失戰士心不可請以百口保破敵世將壯之指所坐帳曰世將誓死於此矣官屬韓詔等進曰渥實失言不宜居帳下遂先遺晨還涇原渥赴熙河渥恐懼汗落單馬趨出顧謂世將所親曰渥爲公忠謀乃反得罪吳家小帥勇而銳未見其勝之道也他日無忘渥言

丙申胡世將命右護都統制吳璘將二萬人自河池赴寶雞河南以捍敵

又遣本司

都統知興元府楊政樞密院都統制知永興軍郭浩爲之詳援

六月詔吳璘節制陝西諸路軍敗金人於扶風

案靜甯州志吳璘字唐卿弟也少精騎射隨兄玠攻戰積功至闔門宣贊舍人紹興初遷定國軍承宣使熙河路經略安撫使玠卒授璘龍神衛都指揮使守蜀二十年隱然爲方面之重乾道初卒年六十六贈太師追封信王

詔宣撫使胡世將居河池

金人攻石壁砦吳璘遣將破走之

初胡世將在河池倉卒召諸將議時吳璘孫渥已在座楊政田晟繼至諸將請少退清野以挫其鋒渥言

河池不可守義屬聲折之請以百口保破敵世將壯之尋詔世將移屯蜀口以義同節制陝西諸路軍馬時金人攻石壁砦義遺姚仲等破走之既而薩里千使鶻眼郎君以三千騎衝義軍義使統制李師顏以驍騎擊敗之尋敗於扶風

夏夏州叛將李合達圍西平府是年三月夏州統軍李合達據城叛至是合達遣使至陰山結乙室耶刺舊部議立遼後共約恢復於是河東

夏之西平府即靈州今改靈

入館山金司南北王府前置北鄙諸契丹蜂起應之合衆數萬圍靈州監軍司使周存禮拒戰數敗

案陰山在漢朔方之北雲中之南代郡之西高闕之東有陰山焉又有陽山焉漢書音義曰陽山在河北陰山在河南愚以史漢本文考之始知陰山陽山皆在豐勝河之北謂為

河南者誤也

閏六月辛巳涇原經略使田晟與金人戰於涇州敗績初完顏果既為王彥所卻遂自鳳翔悉兵攻涇州晟

據山為陳乘敵壁壘未定奮兵掩殺自已全申連戰皆捷奪其戰馬兵械甚衆金人敗走甲申晟及金人再戰於涇州敗績初金人為晟所破會降將引金兵取問道繞出晟所據之山後大呼擊晟而晟所領兵將有舊嘗從敵者望風驚潰惟右護軍萬人與敵鏖戰中傷死敵者十一然無一人遁者官撫副使胡世將具以實聞且待罪先是世將以敵鋒甚銳晟不能獨當檄兩都統令吳璘守河南楊政知涇州策應政遣統制樊彥率兵以往統制王喜繼之未至而晟敗政自劾失律世將不之罪諸軍請斬彥喜以徇世下令彥貸命

追奪在身官爵喜降十官押赴本軍自效金人雖幸勝晨亦殺傷過當而還自是歸鳳翔不復戰以兵攻陝西諸縣城守未下者河南糧食垂盡世將亦離河池登仙人原山寨爲防守之計保險亦自固矣

秋七月合達分兵陷夏鹽州

冬十月金薩里干破慶陽府東經略使王忠植死之

忠植本河東步佛山忠義人以功授河東路經略安撫使

及薩里干侵慶陽知府宋萬年拒守胡世將檄忠植以所部救慶陽行次延安叛將趙惟深執忠植詣薩里干使甲士引至慶陽城下諭降忠植大呼曰我太行忠義也爲金所執使來招降願將士勿負朝廷堅守城壁薩里干怒詰之忠植披襟曰當速殺我遂遇害萬年以城降

金人襲洮州攻鐵城堡統制孔文清惠逢擊敗之

此十月庚子日事

辛酉十一年金熙宗皇統元年夏大慶二年西遼咸清六年春正月庚寅金以邊地與夏國

夏四月丙申夏容洧破新泉砦進攻會州爲邊將朱勇敗之

洧忿將益師入隴川陝宣撫使胡世將遣

書勉以忠義洧悚而止

六月夏慕容洧弟慕容濬謀反伏誅

潘仕夏為樞密使時金人渝盟復取陝西地濬思歸金與洧謀挈族走遣使求金策應過靈州

遜者獲之統軍任得敬以聞仁孝遣兵殺洧濬夷其族

案金史西夏傳慕容洧奔夏及撤離喝再定陝西洧謀歸夏人知之遂族洧宋史夏國傳十一年夏六月慕容洧與弟濬謀反伏誅二傳不合

秋八月癸巳川陝宣撫副使胡世將特起復

世將方與諸將議出師進討而其母康氏卒於晉陵帝聞之詔軍機事重不拘

常制日下供職不許辭避翌日又詔世將弟彥博起復依舊添差提舉兩浙市船官給葬事時金人統軍呼城迺布祿合軍五萬餘屯劉家園右護軍都統制吳璘川陝宣撫使部統制楊政樞密院都統制郭浩皆會於仙人原世將受璘以攻取之策璘乞精兵三萬人破此兩敵收復秦隴事若不捷誓以必死世將以二萬八千人與之仍命攻出和尙原浩出商州以為聲援璘閱兵河池以新戰車之法每戰以長鎗居前坐不得起次最強弓次強弩腕膝以俟次神臂弓約敵相搏至百步內則神臂先發七十步強弓併發次原知之凡陳以拒馬為璘鐵鉤相連俟其傷則更替之更替以鼓為之節騎出兩翼以蔽於前陳成而騎兵退謂之疊陳諸將竊議曰軍其穢於此乎璘曰古之束伍令也軍法有之諸君不識爾得事戰餘意無過於此戰士心定則能持滿敵雖銳不能當也房瑄知軍戰之利可用於平原曠野之間而不得事戰之法其故固宜故騎長於奔衝不獨能抗之者癸卯鄂州前軍副都統制王俊詣都統制王貴認告副都統制張憲謀據襄陽為變先是秦檜欲害憲以及岳飛乃言憲有異圖洋稱金人侵略上流冀朝廷遣岳飛復掌兵而已為之

副會憲詣樞密行府白事俊承風旨上變以統制官傳選為證貴即日以聞張俊
在行府聞之遂收憲屬吏俊東平人初為雄威卒後從范瓊為右軍統制者是也

秋九月吳璘復秦州

右護軍都統制吳玠引兵至秦州城下川陝宣撫司都統制楊政夜引兵入隴州界徑趨吳山與金人對壘

幕壽祺曰當是時岳飛用襄鄂復中原以蜀隴為根本藉西北上流之勢保障東南故宋
之用兵三路進討何言乎三路也劉錡敗金人順昌韓世忠王德恢復海宿是為東路吳
璘敗金人扶風進克秦州楊政自鞏昌進拔隴州郭浩自延安復華州入陝西是為西路
東西并進飛乃撥兵東援劉錡西援郭浩自率大兵長驅中原為中路克蔡州乘勝銳進
遂至朱仙秦檜主和班師還鎮於虜賊良將之弓箠張飛鳥棄祖宗之地血灑中原豈獨
莫須有三字窺沈千古指亦劉錡之功未克竟而張浚經略關陝之功遂終沒也己

吳璘與金人戰於剡家灣大敗之

吳璘進兵秦州金統軍罕占與希卜蘇合兵五萬屯剡家灣請於胡世將擊之遂進次剡家灣時罕占希

卜蘇據險自固前臨峻嶺後控腰家城謂璘必不敢輕犯先一日璘會諸將問所以攻姚
仲曰戰於山上則勝焉以為然乃請戰金人皆笑之夜半遣姚仲王彥銜枚渡河涉峻
嶺截坡上約二將上嶺而後發火二將至嶺寂無人聲軍已畢列萬炬齊發金人駭愕曰
吾事敗矣希卜蘇善謀罕占善戰二人異議先以兵挑之罕占果出營戰璘以塵陣法
更休迭戰輕裘駐馬亟麾之士殊死鬪金人大敗降者萬人罕占走保臘家城璘圍而攻
之城垂破朝廷方主和議以驛書詔班師時璘拔秦州其勢方張詔至璘即自臘家城引
兵還河池

壬戌十二年 金皇統二年夏大慶三年西遼仁宗紹興元年 秋八月鄆剛中分畫陝西地界 割商秦之半界金國存上津豐陽天

水三縣及隴西成紀餘地棄和尙方山二原以大散關為界

案徽縣西北四十里接成縣亦有方山而楊政所守之方山原則在鳳翔府隴州西南二百里晉隆安初武都氐屠飛跋鐵等叛據方山亦此地紹興十一年割地界金人金人求

商州及和尙方山二原許之於是以大散關為界則方山之在隴南審矣

癸亥十二年 金皇統三年夏大慶四年西遼紹興二年 二月夏國地震 逾月不止地裂湧出黑沙阜高數丈廣若長堤林木皆沒陷民居數千御

史大夫鮮執意言自王畿地震人畜災傷今夏州又見變異是天所以示警於陛下也不可不察於是仁孝下令曰二州人民遭地震地陷死者二人免租稅三年一人免租稅二

年傷者免租稅一年其廢舍地壁摧塌者令有司修復之

秋七月夏國大饑諸州盜起 諸郡無食羣起為盜威州大斌靜州埋慶定州靈浪富兒等族多者萬人少者五六千肆行劫掠直犯州城州將出

兵擊之不克

慕壽祺曰自古國家傾覆之由何嘗不起於盜賊盜賊竊發之端何嘗不生於饑餓赤眉黃巾葛榮黃巢李自成之徒其事可觀也以西夏水利之富猶不免乎大饑加之以師旅

古會州即今塔
巡撫關山道

迫之以征徭蠻嶺者氓舍父母棄田闢去而為盜賊無他窮困故也今即饑饉盜賊相因而起長民者不思有以清其原而大張撻伐則延蔓連州幾無人不匪無地不匪矣清源之法若何惟有體恤民艱整飾吏治一念之仁上感天心凶年化為豐歲矣

冬十月夏取會州

宋宣撫使吳玠進兵取金三路屢遣問來約凡六七往夏人終不報至是乃與金人合兵奪之

甲十四年

金皇統四年夏大慶五年西遼紹興二年

夏五月夏遣使來賀天中節

夏國賀使不至中國者二十年仁孝心慕正朔遣間

使入賀獻珠一囊金帶一衣七對綾羅紗五百疋馬百匹冬十二月又遣使來賀正旦後十五年夏國歸宋官李宗閣上書言夏國副使屈移嘗兩使南朝以為衣冠禮樂非他國

比意即指此

秋八月辛酉以興階成西和文龍鳳七州為西路治興州

詔分利州為東西兩路用端明殿學士四川宣

撫副使鄭剛中請也時川口屯兵十萬人分隸三大將檢校少師鎮西軍節度使右護軍都統制階成西和鳳州經略使吳玠屯興州檢校少保武當軍節度使利州路經略安撫使兼知興元府官撫使都統制楊政屯興元府檢校少保奉國軍節度使金房開達州經略安撫使兼知金州樞密院都統制郭浩屯金州皆建帥府而統制官知成州王彥知階州姚中知西和州程俊知鳳州楊從儀亦領沿邊安撫使剛中請以興元府利州閬洋巴劍

天安軍七郡為東路治興元府興階成西和文龍鳳七州為西路治興州即命政璠為安

撫使浩為金房開達州安撫使諸裨將領安撫使命者皆罷從之時和議方堅而浩獨嚴備日為敵至之虞故西路兵為天下最上覽剛中奏謂槍曰川陝地遠為將尤難得人如璘統兵有法甘為朝廷出死力諸將所不及也政故為璘兄玠裨將及分道建帥而執門下之禮益恭世頗賢之

丙寅十六年 金皇統六年夏大春正月西夏尊孔子為文宣帝 孔子生經子生白 生求求生箕箕生穿穿生

謙謙生鯨無子以弟之子襄為嗣值秦雜藏其家書於屋壁襄生忠忠生武武生延年及安國延年生霸號襄成君霸生福福生房生均均封襄成侯王莽敗失國光武復封均子

志為襄成侯志生損襲爵徙封襄侯損卒子離嗣離卒子元嗣無子以弟之子羨襲爵曹魏時封宗聖侯羨生震晉時徙封奉聖侯震生疑疑生撫撫生毅毅生謙劉宋時襲

封奉聖侯鮮生乘後魏封為崇聖大夫乘生靈珍靈珍襲爵改封崇聖侯靈珍生文泰文泰生渠北齊改封崇聖侯後周追封孔子為郡國公以渠襲封渠生長孫隋封長孫為郡

國公長孫生嗣哲改封紹聖侯嗣哲生德倫唐封襄聖侯德倫生崇基襲侯崇基生遂之明皇詔追諡孔子為文宣王改封襄聖侯遂之襲文宣王遂之生賞襲封賞生齊卿齊卿

生惟防惟防生榮自遂之至榮五世並襲封文宣公榮生振振生昭倫自榮至昭倫三世歲給封緡以供祀享昭倫生光嗣光嗣生仁玉後唐時襲文宣公後周時為曲阜令宜人

仁玉子山宋太祖乾德中詣闕上書述其家世詔以為曲阜簿襲封文宣公未幾通判密州太宗北征受詔督軍糧涉巨馬河溺死年四十六子延世字茂先以父死為曲阜簿改

曲阜令襲封文宣公詔轉運使兗州長吏待以賓禮卒年三十八延世子聖佑真宗東封泰山幸曲阜謁孔子廟行酌獻之禮又幸孔林觀其墓加諡孔子為至聖文宣王追封孔

子父叔梁紇齊國公母顏氏魯國夫人妻元官氏鄆國夫人擢聖佑為奉禮郎襲封文宣公知仙源縣後改名佑佑卒以宗愿襲封知仙源縣宗愿距孔子四十七世矣仁宗封孔子後為衍聖公哲宗時改為奉聖公徽宗時復以為衍聖公中國推尊孔子封其後為衍聖公至矣盡矣蔑以加矣然以文宣王尊孔子是天子猶得而臣之也從未有尊以帝者有之自西夏始夏主令州郡悉立廟祀殿廷宏敞並如帝制

慕壽祺曰孔道將遍行於地球日月所照舟車所至凡有血氣者莫不尊親故曰配天清未升孔子為大祀則與天同壽矣雖尊為文宣帝於孔子何加焉然西夏出自夷狄雄跨一隅元昊即位之初國中大修孔子廟所以維繫人心者其在斯乎至仁孝時國勢已即於衰矣而猶尊孔子為帝可謂克隆堂構抑亦曠世一時苟以中原之大禮儀之邦而欲焚孔子畫廢孔子廟反夷狄之不知矣

丁卯十七年 金皇統七年 夏人慶四年 春正月西夏使金賀正且 先是紹興十六年金以德威城西安州定邊軍等沿邊地與夏從所請也

夏主盡收德威等城設官置守至是因賀正表謝又使金賀萬壽節

案西安州在今海原縣西四十里本西夏南牟會新城元符六年為宋所復改建西安州金又取之於宋定邊城在慶陽縣北三十里宋元符二年築後改為軍政和六年置定邊縣為倚郭亦為金所有屬環州明時有官軍及巡檢司守禦

策舉人始立唱名法 宋史夏國傳

戊辰十八年 金皇統八年 夏人歷五平 春二月西夏復建內學選名儒主之 先是紹興十三年冬十月西夏始建學校於國

中立小學於禁中凡宗室子孫七歲至十五歲皆待入學設教授夏主仁孝與后罔氏亦時為條教訓導之十五年秋八月作大漢太學親釋奠弟子員賜予有差至是復建內學

西夏新律成 西夏音樂經元昊更張久非唐末遺音仁孝使樂官李元滿采中國樂書參本國制度歷三年始成賜名新律進元儒等官

冬十一月西夏中書令漢王仁忠卒 仁忠長身美鬚鬚立朝侃侃動中禮法弟舒王仁禮監軍津州私受吏民錢遺書責之勉以官

敬謀內召潛令任太后授意朝臣太后憚仁忠嚴毅年不敢泄於外至是卒封吳王諡恭顯

辛未二十一年 金天德三年 夏天盛三年 西遼紹興十年 冬十二月夏以幹道冲為蕃漢教授 道冲先世靈武人從夏主

別作解義二十卷曰論語小義又作周易卜筮斷以其國字書之行於國中

即在其中近泰西人毛利瑟譯西夏蓮花經十得四五而其國史未有譯本民國七年余

鼎銘知靈都縣修城得夏人寫經甚夥皆善字甯夏人無識者蒙古滅西夏耶律楚材得其圖籍夏國史當在其中元用夏儒多爾濟高智耀而多爾濟爲國史世家元臣石天麟察罕尤以精諸國字書名通唐兀特之文者固不乏人及托克托修三史遼金各爲專史西夏僅付列傳豈蕃字之難識耶論者謂天盛三年以幹道冲爲蕃漢教授就表面觀之蕃漢字似並重矣而十六年又贈野利仁榮爲廣惠王以褒其制蕃字之功則爾時之偏重國字可推見也國字翻譯不易遂至掌故失傳後人欲輯一書亦第據唐以下正史說部別集等按年編次訖未能爲志表列傳此固勢之無可如何者

王樹枏曰自有天地以來歷億萬千紀其中蠻夷之長割據之雄不知凡幾而倏忽之間泯然漸沒不復見稱於世者何克勝計故文字者與天地並參而兩間之事物物皆賴之以傳於不朽文存則其國雖亡而亦存文亡則其國雖存而亦亡雖然猶是國也猶是文也而國之存與亡則又視乎文之能傳與不能傳以爲斷故孔子曰言之無文行之不遠其言玉天下也則又曰書同文蓋文莫文於孔子之文惟同文而後可以常存於中國而不敝元昊既譯聖經立學校矣而乃別製番文以自別於中國此其所以國亡而文亦與之俱亡也吾讀戴君海珊西夏記有感於此故慨言之以諸世之知言者

癸酉 二十三年 金海陵王貞元元年夏天 春正月畏吾兒國來獻於夏 畏吾兒居伊州外見夏國盛遣

使獻方物

甲二十四年 金貞元二年 夏天盛六年 秋九月西夏遣使如金謝恩且請市儒釋書

金主許之

戊二十八年 金正隆三年 夏天盛十年 秋九月西夏始立通濟監鑄錢 夏自茶山鐵冶入於中國 國中乏鐵常以青白鹽易

陝西大鐵錢為用及金人據關右置蘭州等處權場若以中國鈔貿易價輒倍增商人苦之夏主乃立通濟監命監察御史梁惟忠掌之鑄天盛永寶錢與金正隆元寶錢並用金

主禁之夏主再表請乃許通行

辰三十年 金正隆五年 夏天盛十一年 西遼崇福七年 冬十月西夏任得敬請廢學校夏主不報 得敬凌虐胡士

見仁孝尊崇儒學深惡之上言經國在乎節儉化俗貴有權衡我國介在戎夷地瘠民貧耕穫甚少今設多士以任其濫竽糜廩祿以恣其冗食所費何資乎蓋此中國之法難以

行於我國者望陛下一切罷之仁孝不報

慕壽祺曰學校者所以育英才即所以培國本也夏小國耳鄙在戎夷而視學校甚重循循然善誘人矣任得敬請一切罷之可不謂之怪事乎哉近世文明日進學校如林而甘肅教授人材與教授方鍼未臻乎完善有心人盱衡兵間恐常此以往不惟無益而又害

之誤盡蒼生其今日之教授乎於是乎有請廢學校者是辦理不善之所致也不知其源

之濁則其流無自而清不知其表之枉則其影無自而正儉有人出而改良則學校日有起色而人才亦日出不窮矣

辛巳三十一年金世宗雍大定元年夏天秋七月金張中彥王彥章據秦鳳窺巴蜀九月

吳璘遣將劉海復秦州金人攻秦州向起吳挺擊郤之

隴右歲大熟關外四州比歲燠荒至是夏秋大熟九月軍興糧糗及約而辦武都陝邦也

榷榷子造至四萬石池物輸軍稱是嘉陵江水平日春秋之際其流淺跳可涉也冬十月乃運舟縹緲相銜以十而大漕力漲焉悲夫金人之禍吾國烈矣神久憤嫉於此豈惟人心有知江神亦有知耶

八月金人攻黃牛堡吳玠等敗之謀復秦隴洮三州金圖克垣喀齊喀將五千騎扼大散關遊騎攻黃牛堡守

將李彥堅告急人情洶制置使王剛忠馳至吳玠營起於帳中責之曰大將與國義同休戚臨敵安得高枕而臥玠大驚即馳至殺金坪駐軍青野原又遣劉海復秦州

金使如西夏賀生日時金主議平宋之後以兵由陝西定夏國遣太僕寺十蕭誼忠賀夏主牛日仁孝以興慶尹趙良中書舍人芭里昌明伴宴誼忠探

問虛實二人以任相功大舉國歸心為言誼忠聞之默然

九月甲午武階騎兵統領劉海復秦州金守將蕭濟降距秦州數十里外皆平川所謂秦原是也承平時四

南渡偏安備保徽成時代

宋高宗

蘭州俊華印書館出版

甘肅通志卷之二十一

官軍推於戰治
劉海遺掩不
得之所顯先
奪人迅雷不
後耳者歎

城周遭望之巍巍一都會也呂屋其壯及陷敵日久餘民居止什一敵遂徙城北山若一
堡然北山即陳豎故宮杜少陵所謂秦州山北寺故跡陳豎宮乃其地也然山徑最險敵
既城其上若控以兵則秦隴亦未易窺也九月十九日劉左武海被檄即引兵星夜以出
二十三日薄秦州城敵不虞南軍之至也至近城數里乃覺之有數十騎躍出海曰是來
欲爭利誇所長必知戰者即列卒屠之明日海與副將賈士元王中正計曰秦城險而堅
未易攻也今城守似怠當攻以火烟甚則蔽物敵雖有耳目何施耶是天賜我也遂積藁
縱火烟上蔽城水寨破海登馬夜中其守蕭濟開門以降先是敵軍戍
秦者正卒二千前二日就旁郡打糧弱者守室壯者未返遂至於敗云
案宋史劉海字朝宗山東兗州人紹興初為馬軍副將名字埋徽金將珠赫貝勒犯山西
諸營欲遣探騎主將吳公曰若劉海者沉壯可遣也即以海將騎三百前道覘索至石壁
寨忽與敵遇敵軍三千餘伐鼓大譟飛塵漲天海率騎士殊死戰殺敵幾殲一騎西馳告
捷主將曰吾鄉所遣騎乃探騎耳豈人人關張乎海以游騎三百而屠敵三千何從得此
頃之俘誠輜重至者盈庭即日命
海為達州刺史秦鳳路都監云

已亥蘭州漢軍千戶王弘殺金刺史溫敦烏也來降吳璘遣將潘青復洮州

此第

二次收復洮州

案洮州臨州郡唐廣德中陷吐蕃後唐長興四年置保順軍為塞外十鎮之一尋復陷宋
大觀二年收復仍曰洮州屬秦鳳路後為金所據屬臨洮路元初屬鞏昌路後屬吐蕃等

處宣慰司明洪武四年改置洮州衛

丁亥吳璘遣彭青直至寶鷄渭河夜劫橋頭寨勝之

時金人集陝西諸路兵分屯於隴州方山原及秦州鳳翔等

分軍四川與散關之兵犄角相應璘乃命前軍統領劉海回統領王中正左軍統領買士元合所部一千人騎越秦州戊子海受檄即引兵而出

冬十月吳璘遣統制吳挺向起等及金人戰於治平砦敗之

治平砦屬德順軍金後升為縣

案治平砦在今靜甯縣南八十里之治平川宋地理志治平砦領牧龍堡九城志德順軍領治平砦咸平四年置金升為縣元省入隴州靜甯州舊志金置縣於此宋吳璘遣大將

王中正破敵立功處

忠義統領柳萬克伏羌城

伏羌即今隴南之甘谷縣

案伏羌本黃城唐高祖武德二年更名屬秦州天水郡是年以伏羌及渭州之隴西置伏州八年州廢縣還故屬九年析置鹽泉縣貞觀元年更名夷賓廣德後陷吐蕃至宋太宗

建隆元年秋吐蕃首領尙波干獻伏羌地

四川宣撫使吳玠遣使如西夏徵兵不報

先是金主亮分兵攻四川扼大散關遣使檄夏國合兵討之仁孝報以書曰仰維

鉅宋之興咸托羣心之輔列聖承休於洪祚深仁克浹於寰區緊我小邦賴爲盟主二百年講修於信息億萬姓陶冶於淳濃嗟弗率之女真不自安於微分鼠竊一隅之地狼貪萬乘之畿天地所不容神明爲威憤故此用兵薄伐尙敢肆志不庭毀先廟以示戰士之威殺君母而杜諫臣之口似此盈科之罪難逃負櫛之誅幸使命之來臨快輿情之奮厲共切驅羊公忿敢辭汗馬勤勞布告庶邦遐邇俟來蘇之后奮揚師旅鼓行解倒懸之民以至仁伐不仁因多助攻寡助請同李廣勿令一騎生還毋效丁公遽聽片言返旆此上天之假手宜壯士之同心允穆師言恭行天討爾衆士旣造於南土我小國當應於西偏前衝而九野生歡左顧而十車振色從茲歃血動有餘威誓將滅其衆而犁其庭相與寢其皮而食其肉成大功於不日守中夏於歷年不取必有天殃今其時矣一征當自葛始君其念之餘需報捷之臨別候獻琛之賀使還効報旨不及酬然聞金兵勢盛夏兵不敢出境

西夏立翰林學士院

以焦曠王侁等爲學士俾修實錄

案翰林科目肇始於唐開宋金元明以迄於清其途廣矣所得之人才衆矣自唐開元中設翰林院上自諸曹尙書下至校書郎均得與選入院者概稱爲學士有待詔供奉之名憲宗時始置學士承旨任學士之上至宋始定制資淺者爲直院督行者爲權直而學士職始貴爲院長明初又設講讀學士講讀修撰編檢諸員其制大備時入院者不專進士科至天順間李賢建議始盡用進士滿因明舊間損益前制薦辟者得入翰林

金人攻秦州向起吳挺却之

先是金遣兵之涇原宣撫招討使吳玠命起挺率所部捍禦德順遇金游騎二千餘與官軍接遂駐於治平統領

官劉海將官曹建以數百騎掩擊之斬其將濼察生俘數百人入其郭金恐乃退去宣撫司第賞首先出城破敵者為奇功進官四等其下各有差挺玠之子也

癸未四川宣撫使吳玠自仙人原還興州

時西路之軍已得秦隴洮蘭州而金州王彥軍東取商虢使興元諸軍都統御姚仲

在原上節制已後力疾上仙人原以禦金人

十二月統領官劉海與金人戰於治平大捷金人遁

是月二十五日海踏小白溪嶺攔矛直前先士卒有千戶

溫德亨者敵驍將也自林外橫出擊海槍注兜鎗中葉墮者三馬左右騎皆驚顧辟易海伏馬藏以槍貫敵將洞胸墜馬海救左右曰速取其首以來敵將視猶手箭者三牆立不動漢騎欲前取之即注射兩騎皆斃因折弓於膝嘆曰受誅次日漢軍因堵進敵以故敗去斬級可計者凡二百有四死傷無算焉初官軍欲攻治平諸將曰吾衆徐行則不為功疾行則不知敵之衆寡不若使數百騎行前伺敵之意乃可擊也即命將官李庠將驍騎三百名曰探馬日中騎前數十里敵兵忽合呼聲隱地庠愕胎令一騎逸至軍所言狀諸將失色或曰今若出軍救之亦無及矣不若勿救統領官劉海奮曰不可探騎雖少皆吾人也不救則吾已戰者盡殲未戰者益沮救不可後也即以數百騎突前諸將隨之既與敵遇遂破之官軍既破敵衆欲遁或有說之曰南軍知吾衆遁即追擊我使我立盡奈何不若火城寨為疑軍如走未晚也因大火城寨散朗加晝官軍以為援軍大至亦引

去數十里
敵因遠遁

甘肅青史略卷十一終

